

ተእሂል ብሔሥ ዕልም ኣሳር ተምም

መፈወድየት ዓዳት ወርያደት ኤረትርዮ፡ ዲብ ኢጣልያ ምስሊ ለመርከዙ ‘መርከዝ ብሔሥ ሰባት ምፍጋር ጸሓይ’ እብ መዓወነት ለነዘመቱ ተእሂል ብሔሥ ዕልም ኣሳር እት ዮም 19 ኖቬምበር ተመ።

ለእብ መኤምረት መርከዝ ተእሂል ፖሊ- ቴክኒክ ሚላን ወፈርዕ ብሔሥ ዕልም ኣሳር ውርስ መፈወድየት ዓዳት ወርያደት ለተሀየበ ተእሂል፡ ዶር ሙጅተመዕ፡ እት ሕፍዘት ብሔሳት እት ዓጭሞታት ወድ ኣዳም፡ መጃላት ዕልም ምድር ወማይ ክምሰልሁመ ዕልም ኣሳር ለረከበ ዐለ።

ወለት ኢጣልያ መኤምራይት ዕልም ኣሳር ፕሮፌሰር ሴሬና ማሳ ወመስኡል ፈርዕ ብሔሥ ዕልም ኣሳር ውርሱ፡ ዶ/ር ጸጋይ መዲን እተ ሀበወ ሐብሬ፡ ለበርናምጅ ክፋል ናይሊ እብ ‘መሸሮዕ ኦዱሊስ’ ገብእ ለዐለ ወራታት ብሔሥ ዕልም ኣሳር ክምቱ እት ሸርሕ፡ ግረ እለ እተ ገብእ ቀሪና ለቡ ብሔሥ ዕልም ኣሳር ዶር ዐቢ እግል ለሀሌ እሉ ክምሰል ቀድር ሰእየቶም ሸርሐው።

መፈወድ ዓዳት ወርያደት ሰፊር ዘመዴ ተኽሌ እተ ኣሰመዐየ ከኢመት፡ ለእብ ነውዕየቱ ፍንቱይ ላቱ ተእሂል፡ እት ብሔሥ ወሕፍዘት



ኣሳር ዐድነ ተረት ዛይደት ክምቡ ኣሸራ ወለተእሂል ለነሰአው እት ሸቅል እግል ልጠውሩ ኣትፋቀደ።

እተ እግል 10 ኣምዕል ለኣተላለ ተእሂል፡ ምን ለትፈናተየ ዉሕዳት መክተብ መርከዚ ወኢቃሊም

15 ኣንሳይት ለልትረከበ እቶም 35 ሸባብ ሰብ ምህነት ሹሩካም ዐለው።

እት መዲነት ኣቁርደት ለሀለ መባኒ ገዲም እብ ዋጅብ እግል ልትሐፈዝ ሰካን ትላከው



እት ኣቁርደት ለሀለ ታሪካይ ወመባኒ ገዲም እብ ዋጅብ እግል ልትሐፈዝ ወልሰኔ ሰካን መዲነት እግል ኤሪነ እተ ሀበወ ሐብሬ ትላከው።

መባኒ ገዲም መዲነት ኣቁርደት፡ ምስል ሓለት ጀውለ ባካት ለገይሰ ሸክል ክቡብ ክም ቡ፡ እብ ጅንሱ ፍንቱይ ክም ቱ ሰብ መቅደረት ሸርሐ።

ለኣግደ መባኒ መዲነት ኣቁርደት ዲብ ክፍለት 1930ታት ለትበነ 100 ሰነት ለወደ ክምቱ እንዴ ሐበረው ለረኣዮም ለሀበው፡ ምስል ወቅት ከርብ ወልትደመር ሰበት ሀሌ፡ ለከሰሰ ጅሀት ሕሰር እግል ተሀቡ እንዴ ትፋነው፡ ምኖም ለልጠለብ እግል ለኣትምሞ ዱልያም ክም ቶም ኣከደው።

መባኒ ገዲም ወናይ ታሪክ ኣሳር መዲነት ኣቁርደት እብ ዋጅብ እንዴ ትደረስ ለደረጀት ሐሳሲት ለሀለ ለሰኔ እቡ ኣግቡይ እግል ልትባሰር እግሉ በዳሪት እንዴ ትነሰኣት እግል ልሰኔ እንቡት ክም ሀለ ምን ፈርዕ ዓዳት ወርያደት እዳሪት ኣቅሊም ጋሽብርክ ለትረከበት ሐብሬ ተኣፍህም።

ምዴርየት ነቅፊ፡ ዘርእ ዲብ ደረጀት ሰኔት በጽሕ

እት ምዴርየት ነቅፊ፡ ዮም ዓመት እበ ዐለት ከረም ቅዝር፡ እት ሐድ 2,500 ሄክታር ለትዘርኣ ለትፈናተ ጅንስ እክል ወቅርጡሞ ዲብ ደረጀት ሰኔት ክም በጽሕ ትሸርሐ።

መስኡል መክተብ ሐርስ ዲብ ምዴርየት ኣሰይድ መሐመድ- ሳልሕ መሐመድ- ዐሊ እተ ሀበየ ሐብሬ፡ ናይ ዮም ዓመት ከረም ለትሳወት ክም ዐለት እንዴ ሐበረ፡ 1,100 ሄክታር ማሺሊ፡ ፡ 870 ሄክታር ሸንራይ፡ 275 ሄክታር ፋል፡ ለተርፈ ህዩ እክል ብዕድ እንዴ ትዘርኣ ዲብ ደረጀት ዐጭድ ክም በጽሕ ኣብርሀ።

ሐረሰቶት ኣርዶም ኣሰክ ለኣቱ መታብዐት እግል ሊደው ለኣትፋቀደ ኣሰይድ መሐመድ- ሳልሕ፡ ዝላም ኣውል እንዴ ኢተኣክዩ ደለ በሸለት እግል

ለኣቱ፡ ወበሰር ኣክቤ ዐለፍ እግል ልልመዶ ትላከ።

እሊ ክእነ ዲብ እንቱ፡ ምን 17 ኖኦቨምበር እት ምዴርየት ሐጋት- ደዋይሕ ዐንደላይ ለትርኣ ኣንበጠ ዕጩይ፡ ለልግዕዝ ክም ኢኮን ወመታብዐት ዋጅብት ትገብእ እግሉ ክም ህሌት ምን ዕላቃት ዓመ ውዛረት ሐርስ

ወእተ ባካት ለሸቁ ሰብ ምህነት ለትረከበት ሐብሬ ኣፍሀመት።

መስኡል እዳረት ደዋይሕ ኣሸረ እግል ኤሪነ እተ ሀበየ ሐብሬ፡ ለኣለት ሰልፍ ሐረሰቶት እድንግጽት ክም ዐለት፡ ምናተ ብዝሐሁ ወጠቢዐቱ ክም ተኣመረየ፡ ክም ኣግንዐው እንዴ ሐበረ እግል ራቀቡቱ ለኣወርኣወ መባደረት ወመሻረክት ሐመደ።



ሐብሬ ምን ውዛረት ዓፍየት

ማሌ እት መራክዝ ክልኩል ወመራክዝ ፍሐሥ ኣቃሊም ምግብ፡ ግብለት ወጋሽብርክ እበ ገብኣ ፍሐሳት ላቦራቶሪ፡ 35 መዋዋን ኮሮነ ቫይረስ ክም ረክበዮም ተኣከደ።

ህቶም 17 ምን ኣቅሊም ምግብ- በሀለት 8 ምን መርከዝ ክልኩል 9 ምን መራክዝ ፍሐሥ ዲብ ገብኡ፡ 3 ምን ኣርባዕተ’ስመረ፡ 3 ምን ምግብ መዲነት፡ ኣር-ኣር ህዩ ምን ቲራቮሎ፡ መዐስከር ደንደን፡ መዐስከር ኣልጌን፡ ወፓራዲቱ፡ እተ-ክምሰልሁመ 15 ምን መራክዝ ፍሐሥ ኣቅሊም ግብለት በሀለት 8 ምን መንደፈረ፡ 5 ምን ድባርው፡ ኣር-ኣር ህዩ ምን ማይምኔ ወዐዲ ቀይሕ ፡ 3 ምን መራክዝ ፍሐሥ ኣቅሊም ጋሽብርክ በሀለት 2 ምን ግርማይክ ወኣሮት ምን ባርንቶ ቶም።

እሊ ክእነ ዲብ እንቱ፡ ኮሮነ ቫይረስ እንዴ ረክበዮም ዲብ እሱብዳልያት መራዐየት ትገብእ እግሎም ለጸንሐው 17 መዋዋን እንዴ ሐየው ትሳርሐው።

እብ ኣሳስ እሊ ዓም ብዝሐሉ ኮሮነ ቫይረስ ለረክበዮም መዋዋኒን፡ ኣሰክ እለ 7223 ባጽሕ ሀሌ። 6,982 ምኖም እንዴ ሐየው ለትሳርሐው 55 ለትወፈው፡ ወ186 ኣሰክ እለ ሐን መራዐየት ለሀለው ቶም።

ውዛረት ዓፍየት
23 ኖቨምበር

ታሪክ ሐያት ምሕርብት

ታሪክ ሐያት ምሕርብት አልአሚን መሐመድሰዒድ ውበርጋደር ጀነራል ነጋሽ ተስፋጽዮን



ሓይላም ቄርኣትን የም 17 ኖቨምበር 2021 ሰከርቴር ጀብህት ሽዑብደት እግል ዲሞቅራሲያዊት ወዕዳለት ገዲም መሐርባይ አልአሚን መሐመድ ሰዒድ አልአሚን ወደም 19 ኖቨምበር 2021 ሆይ፡ ብርጋደር ጀነራል ነጋሽ ተስፋጽዮን አይብል (ሻለቃ) አስከ ቤት አማኖም ሱርሓም ህሌ። ከእንዴ አትሌት ለዲብ መደት ቀብሮም ዲብ መቅብረት ሹህደ ለትቀረክ ታሪክ ሐያቶም እብ ቀደም ትሌ እግል ገርኡ ቲ።

ታሪክ ሐያት መሐርባይ አልአሚን መሐመድሰዒድ አልአሚን

17 ኖቨምበር እግል ሽዑብ፡ ሕክሙት ኤረትሮፖ ወጀብህት ሽዑብደት ተሕሪር ኤረትሮፖ፡ አምዕል ሐዘን ቲ። መዋ-መጦሪ ላኪን፡ አምዕል ሐዘን ቲ። አሮት ምነ ወጠነ ለአፍራቶም ሳብታም መሐርባይ ወሚርሐት ላቲ ስክርቴር ጀብህት ሽዑብደት እግል ዲሞቅራሲያዊት ወዕዳለት መሐርባይ አልአሚን መሐመድ ሰዒድ፡ እብ እስትሸሃድ ሰበት ትፈንቴ፡ ነሐዘን ላኪን፡ እብ ታሪኩ ወሄራር ግድላህ፡ ሚርሐቲ ብቅዕት ወተረቱ ዛይደት፡ እብ ቅያስ ለአለበ መሻረከት አስከ ዐውቴ ግድለ ታሕሪር፡ ዲብ ዐማር ወመዳፊዕት ስያደት ወጠን ወዕዳዋት ለዐለት እግሉ ተረት ዐባይቲ።

እብ በሰሩ፡ መትሰባሉ ወሚርሐቲ ብቅዕት እግል ዐውቴ ግድላነ ወብእ ወጠነ ቅያስ ለአለበ ተረት ለቀደመ፡ ርሐም፡ አዳም ለለሐሽም፡ ተጅርብቲ ወአምሩ ለለአወርስ ክም መሐርባይ፡

ወመሰል ሰኔት ላቲ ሚርሐይ ሰቡል፡ ሙናድል አልአሚን፡ ለለሐብን ታሪኩ፡ ወጠንዩቲ፡ ወተረቱ እብ ሕሽመት እንዴ ንትዘክር እንሳርሐ ወንትፈንተዩ ህሌን።

ዲብ ሰነት 1947 ምን አቡሁ መሐመድሰዒድ አልአሚን ወእሙ ሐሊመ አሕመዲን ዲብ ባሕሪ ለትወለደ መሐርባይ አልአሚን፡ ምነ 74 ሰነት ዕምሩ፡ ለ55 ሰነት ዲብ ግድለ ሕርየት ወዐማር ወጠን፡ 44 ምነን ሆይ፡ እት መስሉልየት ውቅል ለሓለፈ ሰቡል መሐርባይ ቲ።

መሐርባይ አልአሚን፡ አሮት ምነ ዕምሮም እብ ተማሙ እግል ሽዑብ ወወጠን ለሰበለው፡ አስከ አምዕል እስትሸሃድም፡ ትምኔት ሽዑብ ዲብ ሀደፈ እግል አብጸሐት ምነ ለትጋደለው፡ እብ ፈተ ሽዑብ ወወጠን፡ ሰብ ስላየት ዐባይ፡ ከህላት ዛይደ፡ ወእብ ኤማን ወሰብር ምነ ለልትፈረን መሰል ሰኔት ላቶም ሚርሐት ቲ።

ሸሂድ መሐርባይ አልአሚን መሐመድሰዒድ፡ ዋልዳዩ ዲብ በሐር ሸቄ ሰበት ዐሉ፡ ዲብ መደት ንእሹ ምስል ዋልዴት ዲብ ጅደ ሰዑድዩ እንዴ ነብር፡ አወላይት ደረጀት ደርሱ ናይ ምግባይት ደረጀት ምህርሁ ዲብ አስመሪ ወአዲስ አበባ ሐቀለ አተላላ፡ ምን ሐዲስ ዲብ ሰዑድዩ እንዴ አቅብሉ፡ ናይ ካልኣይት ደረጀት ምህርሁ አትመመ።

መሐርባይ አልአሚን መሐመድሰዒድ፡ ምን መደት ንእሹ ፈተ ወጠን ዛይደት ወትምኔት ሕርየት ወእስትቅላል ሰበት ዐለት እግሉ፡

ለናይ ካልኣይት ደረጀት ድራሰቱ ሐቀ አትመመ፡ ዲብ አፕሪል 1966 ዲብ ጀብህት ተሕሪር ኤረትሮፖ ተሓበረ። ዲብ ሱርየት ታዕለም ዐስከሪ ሐቀለ ተዐለመ ሆይ፡ ሚዳን ኤረትሮፖ እንዴ አተ ዲብ 4ይት መንጠቀት ዲብ ውሕደት ዓፍየት እንዴ ትወዘዐ፡ እብ መትሰባል ከድመ።

እት መርሐለት ሰድት መሐርባይ አልአሚን፡ እግል እብ ነቃሰት ሩእየት ወጠንዩት፡ ትልም ራቴዕ ወሚርሐት ብቅዕት ወዓድለት፡ ዲብ ብቅት ክሩይ ለዐለ ግድለ

ተሕሪር እግል ሰይሐት ወአርትዮት፡ ተረት ዐባይ ዐለት እግሉ። ለናይ ሰይሐት ሐረከት እብ ቀበት ጀብህት ተሕሪር ገብእ ለዐለ ግድለ እግል ትትዐወት ሰበት ኢቀድረት ሆይ፡ ምስል ብዝሓም መሐርባይ መልህያሙ፡ ምን ጀብህት ተሕሪር እንዴ ትፈንተው፡ አሮት ምን ሙአስሲን አወላይ ክፋል ቅዋት ተሕሪር ሽዑብደት እንዴ ገብእ፡ ዲብ እጅትመዕ ስዱሕ-ዔለ ነፈር እዳረት አወላይ ክፋል ቅዋት ተሕሪር ሽዑብደት እግል ልግበእ ቀድረ።

መሐርባይ አልአሚን፡ ምን ሰነት 1970 አስከ ሰነት 1976 እት ለዐለየ ሰነዋት፡ ዲብ ሳሕል ወከበሰ እንዴ ልትሐረክ፡ ዲብ አሸቃል እዕላም ወአፍረዮት ከዋድር ሰቡላም እብ ክለ ቅድረቱ ከድመ። ዲብ ሰነት 1977 ሆይ፡ ዲብ አወላይ ሙአተመር ጀብህት ሽዑብደት ተሕሪር ኤረትሮፖ፡ ነፈር ልጅነት መርከዝዩት ወመክተብ ሲያሲ እንዴ ገብእ ተሐረ።

ሐቀ አወላይ ሙአተመር ተንዘም፡ መሐርባይ አልአሚን፡ ምስሉል ጀሃዝ ዕላቃት ካርጅየት ጀብህት ሽዑብደት እንዴ ገብእ፡ ግድለ ሽዑብ ኤረትሮፖ እግል ሕርየት ወዕዳለት ዲብ አትአማር፡ ዕላቃት ጀብህት ሽዑብደት ምስል ለትፈናተዩ ድወል፡ ቅዋት ሲያሰት ወመዝማዕት ዐለም ዲብ አደቀቡት፡ ወሰዳይቶም እግል ንዳል ሽዑብ ኤረትሮፖ ዲብ አከዶት፡ ዲብ ካርጅ ለዐለ ሽዑብ ዲብ ዝሞት ወተረቱ እት ግድለ ተሕሪር እግል ዓበዮት፡ እምበል ሕላሌ ትጋደለ ወአትጋደለ።

መሐርባይ አልአሚን፡ ዲብ ሰነት 1987 ዲብ ካልኣይ ወናይ ውሕደት ሙአተመር ጀብህት ሽዑብደት ወጀብህት ተሕሪር ልጅነት መርከዝዩት፡ ነፈር ልጅነት መርከዝዩት ወመክተብ ሲያሲ እንዴ ገብእ ምን ጀዲድ ተሐረ። መስሉል ጀሃዝ መርበይ ወጠን እንዴ ገብእ ሆይ፡ ዲብ አደቀቡት ወዐበት ወራታት ሲያሰት ወእዕላም ጀብህት ሽዑብደት ተሕሪር ኤረትሮፖ፡ ክምሰሉሁመ ዲብ አፍረዮት ከዋድር ተረት ዐባይ ዐለት እግሉ።

ዲብ መደት ግድለ ተሕሪር፡ እስልፍ እብ ዘረኖት እተሓድ ሶሻየት፡ ወሐሬመ እብ አሚርኩ፡ ምስል ወካይል ንዝም ደርግ እት ለገብእ ህድግ ገጽ-እብ ገጽ፡ ሸሂድ አልአሚን መሐመድሰዒድ፡ ክም ሚርሐይል ልኡክ ወወኪል ጀብህት ሽዑብደት እንዴ ገብእ ሹሩክ ክም ዐላመ ለልትረሰዕ ኢኮን።

መሐርባይ አልአሚን መሐመድሰዒድ፡ አስከ ሕርየት፡ ክም ነፈር መክተብ ሲያሲ፡ እግል ወጠኑ ወሽዐቡ እብ መትሰባል ወሰኣየት ታ'መት፡ ከድም ሐቀለ ጸንሐ፡ ዲብ ሰነት 1994 ዲብ ለገብእ 3ይ ሙአተመር ጀብህት ሽዑብደት እግል ዲሞቅራሲያዊት ወዕዳለት፡ ነፈር ልጅነት መርከዝዩት ወልጅነት ተንፊዝዩት እንዴ ገብእ ተሐረ ወአስከ አምዕል እስትሸሃዱ ሆይ፡ ክም ሰክርቴር ጀብህት ሽዑብደት እግል ዲሞቅራሲያዊት ወዕዳለት ከድመ።

ሀገረት ትግሬ፡ ዐራብ፡ ትግርኛ



ወእንግሊዝ ለመልክ ሸሂድ አልአሚን መሐመድሰዒድ፡ አምሩ እግል ለአፍዩሕ ወአርወሐቲ እግል ልጠውር፡ ሰቡል፡ ዕጽም ወበዐል ንየት ውቅል ዐለ። መዋ-መጦርለ ናይ መስሉልየት ደረጀቲ፡ ሰለሰ ክታብ ከትብ ውበዙክ ክቱብ ሲያሰት አፍረ። መሐርባይ አልአሚን መሐመድሰዒድ፡ ዕሹር፡ ርሐም፡ መትናይታይ፡ አምሩ፡ ምቅድረቱ ወአርወሐቲ ለኢጠምዐ ሚርሐይ ዐለ።

ሙናድል አልአሚን መሐመድሰዒድ፡ እብ ፍቲ ወመትሰባል፡ አምሩ እብ ተማሙ እግል ሽዑብ ወጠን ወወጠንዩት እንዴ ሰበለ ከድም ሐቀለ ጸንሐ፡ እግል ዲብ ካርጅ ለነብሮ መዋጥኒን፡ ሓድረት ሓለት ወጠን ለከሰሰ ሰሚናራት እግል ሊዴ፡ ዲብ ሰዑድዩ ዝያረት ሸቅል እንዴ ወዴ፡ እብ መረድ ከሮን ሰበት ትደምዐ፡ ዲብ እስብዳልየት ለልኡትሐይ ናይ አንገፎት አርወሐት ጅህድ እት ገብእ እግሉ፡ ዲብ የም 14 ኖቨምበር 2021 አስተሸህደ። የም 17 ወሬሕ 11 ሰነት 2021 ሆይ፡ ሓይስ ርኢስ ኢሲያስ አፍወርቂ፡ ውቁላም ሰብ ሰልጠት ሕክሙት ወጀብህት ሽዑብደት፡ ቅያዳት ዲሽ፡ ሚርሐት ደያናት፡ አቃርቡ፡ ዓይለቲ ወመልህያም ንዳሉ እት ለሐድረው ዲብ መናሰበት፡ ዲብ

መቅብረት ሹውሀደእ አስመር፡ እብ ሕሽመት ውቅል ትቀበረ።

ሸሂድ አልአሚን መሐመድሰዒድ አልአሚን፡ በዐል ዕያል ወአብ 4 ው'ላድ ቲ።

እስትሸሃድ እሊ ለትወቀለት ተረት ለዐለት እግሉ መሐርባይ፡ እግል ወጠን ወሽዐብ ከሳር ክብድት ምንማቲ፡ መሐርባይ አልአሚን፡ ዲብ ለጸንሐዩ ዕምር፡ ተዐብኩ እንዴ ኢልብል፡ እግል ወጠኑ ወሽዐቡ እብ መትሰባል እንዴ ከድመ፡ ዋጅብ ወጠኑ ለአትመመ መዋጥን ሰበት ቲ፡ እግል ብዘክ ለከድመ ወለትፈረ ዲብ ሄራር ግድለ ሐያቲ፡ እብ ሐዘን ወሕሽመት እንዴ ንትዘክርቲ እንሳርሐ ለህሌን።

ሕክሙት ኤረትሮፖ ወጀብህት ሽዑብደት እግል ዲሞቅራሲያዊት ወዕዳለት፡ እብ እስትሸሃድ ናይ እሊ ገዲም፡ ሰቡል ወመሰል ሰኔት ላቲ መሐርባይ፡ ሐዘኖም መሪር እንዴ ሸርሐ፡ እግል ኩሉ ሽዑብ ኤረትሮፖ፡ ዓይለቲ ወመልህያሙ እት ግድለ፡ ኤማን ወሰብር ለሀበኩም ወለሀበኩ ልብሎ።

ዝከረት ዲመ እግል ሹህዳነ!
ዐውቴ እግል ዝሊል!



ታሪክ ሐያት ብርጋደር ጀነራል ነጋሽ ተስፋ-ጽዮን አደበል



አሮት ምን መሐርበት ገዳይም ላቱ ብርጋደር ጀነራል ነጋሽ ተስፋ-ጽዮን አደበል እንሳጫህ ህሌን። ሽሂድ ብርጋደር ጀነራል ተስፋ-ጽዮን ዲብ ሰነት 1937 ዲብ ዐዲ ኩነዓት ምዴርየት ዐዲኳለ ትወለደ። ዕምሩ ሰነት ድራሰት ክም በጽሐ ምን አወላይ አስክ

1966 አስክ ሰነት 1967 ዲብ ጀርመን። ምን ሰነት 1971 አስክ ሰነት 1972 ዲብ አሜሪካ ደርሰ። እምበል እሊመ። ሶዳን። ዩጎዝላቭያ ወእተሓድ ሶፔት። እንዴ ጌሰ ለትፈናተ ኮርሳት ነሰአ።

ብርጋደር ጀነራል ነጋሽ

ሰነት 1983 እብ መትሰባል ሸቀ። ምን ሰነት 1983 አስክ ሰነት 1984 ዲብ አድራሶት መስኩሊን ጀብሃት ሐርብ። ምን ሰነት 1985 አስክ ሰነት 1987 ክም መስኩል ጀሃዝ ሀይኣት ተድራብ። ምን ሰነት 1987 አስክ ሰነት 1991 ዲብ ፈሬዕ እብራሂም ዓፈ ክም መስኩል ፈሬዕ አድራሶት ውቁላም መስኩሊን ዳሽ ክም መስኩል መድረሰት አተላላ።

ሐቆ እሊ። ዲብ መድረሰት ድባዋ። ምን ሰነት 1991 አስክ ሰነት 1994 ክም መስኩል መርከዝ ድራሰት። ምን ሰነት 1994 አስክ ሰነት 2000 ዲብ መርከዝ ድራሳት ቅዋት ድፋዕ ኤረትርዮ። እብ ደረጀት ሺመት ኮሎኔል። ክም ሴድያይ መስኩል መርከዝ ድራሳት ቅዋት ድፋዕ። ምን ወሬሕ 5 ሰነት 2000 አስክ ሰነት 2013። ርትብቱ ዲብ ብርጋደር ጀነራል እንዴ ትወቀሉት ክም መስኩል መርከዝ ድራሳት ቅዋት ድፋዕ እንጌ ገብአ እግል ሸዐቡ ወወጠኑ ከድመ።

ተስፋ-ጽዮን። ዲብ ቀበት ንዛም ደርጊ እት እንቱ። ለዲብ ኤረትርዮን ጀሬ ለዐለ ጀራይም ሰበት ኢክህለዩ። ንዛም ደርጊ እንዴ ወከለ አልማንዩ ሐቆለ ጌሱ። ዲብ ወሬሕ 8 ሰነት 1977 ዲብ ጀብሃት ሸዐብየት ተሕሪር ኤረትርዮ ተሓበረ። ዲብ መርከዝ ተዕለም እምሆሚመት ድራሰት ዐስከርየት ወሰያሰት ሐቆለ አትመመ ህዬ። ዲብ ብርጌድ 77 ቅወት ሰለሕ ክበድ እንዴ ትወዘዐ። ምን ወሬሕ 11 ሰነት 1977 አስክ ወሬሕ 8 ሰነት 1978 ከድመ። ዲብ ወሬሕ 8 ሰነት 1978 ህዬ። ዲብ ጀሃዝ ተድራብ ትቀየረ።

ዲብ ጀሃዝ ተድራብ እንዴ ህለ ለከድመ ዲብ አፍርዐት ብዞሕ ምንማቱ ገሌ ምኑ። ዲብ አትዳለየት ለለአትሐዜ ክቱብ ዕልም ዐስከርየት። አትዳለየት መጀለት ተዐንደቅ በህለት (ተዓጠቅ) ወእግል ለትፈናተው መስኩሊን ዲብ አድራሶት አስክ

ለሻረክ ዲብ ሕሩባት። ዲብ ወሬሕ ሐቱ ሰነት 1978 ምን ጋሕቱላይ አስክ ሰይዲሺ ዲብ ለገብአ ሐርብ። ዲብ ሰነት 1984 ዲብ ህጽም መለብሶ ጀብሃት ሐልሐል። ዲብ ሰነት 1990 ዲብ ሐርብ ዐመልየት ፈንቅን ወተሕሪር መዲነት ባጽዕ። ወዲብ ሰነት 1991 ዲብ ሐርብ ካቲመ ዲብ ጀብሃት ደቀምሐሬ ድድ ዳሽ ደርጊ ተሓረቡ።



እምበል እሊመ። ዲብ 15ይት ደውረት መድረሰት ካድር ምን ወሬሕ 10 ሰነት 1982 አስክ ወሬሕ ሐቱ ሰነት 1983 ሻረክ። መሐርባይ ነጋሽ ተስፋ-ጽዮን ምን ሰነት 1994 አስክ ሰነት 1997 ክም ነፈር መፈወድየት ደስቱር እንዴ ገብአመ ከድመ። ሽሂድ ብርጋደር ጀነራል ነጋሽ። ዲብ ሰነት 2010። ዲብ ጀርመን ዐመልየት ልብ ሐቆለ ወደ። ዲብ ሰነት 2013። ጀርመን እንዴ አቅበለ መራዐየት ገብአት እግሉ። እብ ሰበት እሊ ሕማም እሊ ህዬ። ምን ሰነት 2013 አስክ አምዕል እስትሸሃዱ። ምን ቤቱ ዲብ

ሰብሩ ወሕሽመቱ አሮት ምን እመራም መሐርበት ዐለ። ህቱ አብ ሐቱ ወለት ቱ። ዓደት ቀብሩ ህዬ። እት ዮም 19 ኖቨምበር 2021። ሰብ-ሰልጠት ሕኩመት። ቅያዳት ዳሽ። መትሻቂቱ። ፈተቹ ወዓኢላቱ እት ለሐድረው ዲብ መናሰበት። ዲብ መቅበረት ሹህዳእ አስመረ እብ ሕሽመት ተመት። ውብረት ድፈዕ ወመርከዝ ድራሰት ቅዋት ድፈዕ ኤረትርዮ። እብ እስትሸሃድ ገዲም መሐርባይ ብርጋደር ጀነራል ነጋሽ ተስፋ-ጽዮን



ራብዓይ ፈሰል ዲብ ዐዱ ሐቆለ ደርሰ። ዲብ ሰነት 1952 አዲስ አበባ እንዴ ጌሱ ምን ሰነት 1952 አስክ ሰነት 1960። ዲብ መድረሰት ተፈሪ ሞኮንን አስክ 12ይ ፈሰል ደርሰ። ሐቆ እሊ ዲብ ኩልየት ዕሉም ዐስከሪ ሀረር እንዴ አቱ። ምን ሰነት 1960 አስክ ሰነት 1962 እግል ሰለሰ ሰነት ዕሉም ዕስከርየት እንዴ ደርሰ። እብ ርትብት ሴድያይ ትሌንቱ ትዳሕረ። ሐቆሁ ምን ሰነት 1963 አስክ ሰነት 1974። ዲብ ሀንደሰት ዐስከርየት ወዲሽ ኢትዮጵያ አስክ እብ ደረጀት ሻለቀ ሸቀ። ዲብ ሰነት 1974 ናይ አካዳሚ መቅደረቱ እግል ለዓቤ። ዲብ ጃምዐት አዲስ አበባ አተ። ዲብ ጃምዐት እንዴ ደርሰ ህዬ። ቀየርት ንዛም ሀይለስላሴ ሰበት መጽኢ። ወከለ ዲብ ጃምዐት ለለአቱ ሀንደሰት ዐስከርየት እንዴ ገብአ። ምን ሰነት 1974 አስክ ሰነት 1976 ዲብ ሀንደሰት ዐስከርየት ከድመ። ዲብ እንዴ ህለ ምን ሰነት



እስብዳልያት እንዴ ለአትቀባብል መራዐየት ትገብእ እግሉ ሐቆለ ጸንሐ። ዮም 18 ኖቨምበር 2021። ዲብ እስብዳልየት ቅወት ጀው አስተሸሀደ።

ብርጋደር ጀነራል ነጋሽ ተስፋ-ጽዮን (ሻለቀ) እብ ዕሸረቱ።

ለትሰመዐም ሐዘን እንዴ ሸርሐ። እግል ዓይለቱ። መልህያመ እት ግድለ ወፈተቹ ኤማን ለሀበኩም ልብሎ።

ዝክረት ዲመ እግል ሹህዳነ!
ዐውቱ እግል ዝሊ!



ህጁማት ቀበት ወራራት (4^ኛ ክፈል)




ንዳል ጀግን ሀላፊ

6^ይ ወራር:-

ዴሽ ሽዕሊ እግሉ ሐምሰ ወራራት ደርግ ክምሰል ወፍሽለ ወናይ ኖሱ ህጁም ሰርጉል ክምሰል ሀረሳመ ለንዳል ተሕሪር እበትወቀለት አተላለ። ናይ ውደቅ ወአውድቅ ቴለል መጽአ። አባይ ምነ ሐልፈ ወራራት ሴመ ኢደርሱ። ለሀይ ከምን ለሀይ ለልደቀብ ወራራት ክሉ ጀረቡ። ምናተ ክሉ ክምሰለ ረኤናህ በልቀት ዐላል ኬደ። ክም ፈገሪቱ ህዩ ጄሽ ሽዕሊ ዝያደት እብ ተጃርብ ወቅወት ዲብ ለዐቤ ጌሱ። ወክም ፍገሪቱ ህዩ ለሐቀለ ሐምሰ ወራራት ደርግ ለወደየ ካቲመት ሰመዕ በሰር ተ። ዲብ ለሀልቹ ምን ክንክሽ ነቅፈ አስክ አፊት አፍዐበት አትጸገዐዩ።

ሐቀ ፈሽል 5ይ ወራር፡ ህጁም ጄሽ ሽዕሊ ዲብ ኤረትርየ ለገብእ ሐርብ እግል ደርግ፡ ለኢልትቀደ ጸር ዲብ ገብእ ሰበት መጽአ፡ ሐቲ ዶል ወእግል ዲመ እግል ለአተክትሙ



መዳሊት አባይ እግል ሳድስ ወራር (አዲስ አበባ)

አምበል ሰዳይት ጥያራት ወደባባት እግል ልትሐረብ ሰቀድር፡ ሐፋነት ወመጻምእ ለልክህል ናይ አድብር ጄሽ (Ranger Force) እግል



ሳድስ ወራር ወመስደዱ

ልደርብ ሰተተ። ደርግ አዜመ ምነ ቀዳም ኢደርሱ። ሳድስ ወራር ለልትበህል ለደቀበ ወለትፈንት እግል ለአትበግስ ጠባጠቤ። ሳድስ ወራር

ምነ ሐልፈው ወራራት ለትፈንትዩ ጋሪት ህሌት ምንገብእ። ናይ አውረሐት ወሳምን መዳላይ እንዴ ኢገብእ። ናይ 2 ሰነት እብ ዕስክርየት፡ ሰያሱት ወዲፕሎማሰየት ለዳለ እግሉ ወራር ቱ ለዐለ።

አቤ ሳድስ ወራር እብ 'ፊራሮ ቀይሕ ኮከብ' ልትአመር። 6ይ ወራር ምን ሰር ወርሕ ፈብራይር አስክ ወርሕ ጁን ሰነት 1982 ለአተላላ ለደቀበ ወራርቱ ለዐለ። እትሊ ወራር እሊ አባይ እግል እብ ግብረሃይላት ንዙሙ ለዐለ ሸክል እንዴ አፍረሰ እብ ቅያደት (እዚ)

ወክፈል ጄሽ ትንዝሙ። ዲብ አርበዕ እብ ናይ አድብር ሐርብ ለደረበው ተራረ ከፈፍል ጄሽ በህለት 18, 19, 21, 22 ዲብል ወራር ክምሰል ልትሐብሮ ወደ። ዲብ ታሪክ ጄሽ አቶብዩ ለትወቀለ ተድራብ ለጸገበ ከፈፍል ጄሽ እብ ሄሰት ማኒፊፌስቶ ቀይሕ ኮከብ (ባጽዕ) ለወራር እብ ረስመየት ወእውጅት ገበይ ዲብ ዮም 15/2/1982 ተአምበተ።

ዐጃይብቱ! ንዛም ደርግ፡ ምነ ሐልፈ ታሪክ ሴመ ኢደርሱ። ክልዶል ቀዳሚቱ እንዴ ትረሰቡ፡ ምስለ እግል ሕርየት ወእስትቅላል ሽዑብ ኤረትርየ ናድል ለዐለ ምሕርባይ እግል ልትሐረብ ወለናይ ዝልም ወራራቱ እግል ለአተላላ ሐረ። ምናተ ሰውረት ገበል ጀግብ ዓድል ሀደፍ ዲብ ሳብት መብደእ እንዴ ተኬት ቱ። እግል ሕርየት ናድል ለዐለት። ምን አወላይ አስክ ሓምሳይ ወራር አባይ ለትካከብዩ ከሳር ዐለም ሸሀደቱ። ደርጊመ ኢደርሰ ምኑ ዲኢኮን ሸንርቡ ሰኒ ወእማን ጠምጠመዩ። ክምሰለ በዐል ቅማር ዲብ እለ ምን እትፈለል ዲብ ሉህ እትዐውት ገብእ ዲብ ልብል እብ ክልኤ እዳሁ ለተርፍ። ደርጊመ ህተ ገንሐቱ። ለዲብ ለአዳፍርስ አተዩ ተማስ ህዩ እብ ከአፎ ክምሰል ልትባለሕ ምኑ ይአመረ።

ሳኪን ሳድስ ወራር አክረቱ እንዴ



ዐማም ድድ ስሙም ጋዛት

ነቅፈ እንዴ ትብገስ እግሉ ዲብ ለዐለ ጄሽ ሽዕሊ ዲብ ለሀናቅሽ ነቅፈ እግል ልእቱ።

- 18 ክፈል ጄሽ ህጁም ክምሰል አምበተ ዲብል ጀብህት እግል ልትወሰክ።

3. መብረቅ እዝ ጀብህት በርከ።

- 24 ክፈል ጄሽ እብ ጀህት ሰልዐ ምን ሱዳን ዲብ ድጌ ሰውረት ለለኣቱ ከጥ እንዴ በትከ። ዲብ ድጌ ሐስተ እግል ልእቱ።

- 21 ክፈል ጄሽ እብ ጀህት ሐልሐል አስማጥ እንዴ ጸብጠ ዘረ እግል ልእቱ።

- እብሊ አግቡይ እሊ ክሎም እዝታት ወከፈፍል ጄሽ መሃሞም እንዴ አትመመው ዲብ አዶብሐ ምግብ ድጌ ሰውረት እግል ልትራክቦ ወለክርዶን ክታመት እግል ሊደው እሉ ዐለ ሀደፎም።

- መበረቅ እዝ ዲብል ናይ ሰልፍ አምዳላት ደከከ። ተረርፉ ከፈፍል ጄሽ 21 ወ24 ክምሰልሁመ 2ይ ክፈል ጄሽ ዲብ ነቅፈ ክምሰል ልትወሰኩ ገብአ።

- ወቃው እዝ ደምቡበየት እንዴ ጸብጠ ሰእየት ለለሀይብ ጀርቤታት ምንመ ወደ። እንዴ ትጨልገመ አቅበለ።

- ሐቀ እሎም ክልኣት ስታቲባት ዐባዩ፡ አባይ እህትማሙ ዲብ ጀብህት ነቅፈ ክምሰልሁመ ፍንጌ ጀብህት ቅብለት ሳሕል ወነቅፈ ዲብል ህለ ባካት እግል ልወጅሁ አምበተ።

- ነቅፈ ዝያደት ባል ናይለ ወራር ክሩይ እተ ሰበት ዐለ፡ እት ረአሰለ ዐለ ክፈፍል ጄሽ 3, 17, ወ 22 ከፈፍል ጄሽ 18, 2, 24, ወ 21 እንዴ ትወሰከው ሰቡዕ ከፈፍል ጄሽ እብ ትሉሉይ ድቁብ ወደመዊ ሐርብ ወደው። ነቅፈ ሳኪን እብ ፈድል ስሙድ ወኤማን ምሕርብተ እብ ሸክክ ጄሽ ዐዶ ኢትከደደት።

ሙናድሊን ሰውረት ኤረትርየ፡ እምበል ሕላሌ፡ ድማን ወድገለብ ዲብ ልትገንበው፡ እግሉ ናይ ደንገበ ለትበህለ ሳድስ ወራርመ ለሐልፈው ሐው አትዐረው። ሳድስ ወራር ለደቀቡ፡ ሳሊ ወአምዕል ለክፍ ጥያራት ለኢትፈንተዩ፡ ዝያድ 90,000 ዐሳክር ደርግ ለሻረከው ዲቡ፡ ስሙም ጋዝ ለትጀረበ ዲቡ፡ ሐቲ ዶል እብ ሰለስ እትጀህ ለአምበተ፡ ድቁብ ወራር ቱ ለዐለ። ሳድስ ወራር እብ ጀህት ጄሽ ሽዕሊመ ለበዝሐው ሹሀደእ ለደፈዐው ዲቡ ወራርመ ዐለ። ሳድስ ወራር፡ ደርግ

ዲብ ለአትበግሱ፡ ሐቲ ዶል ወእግል ዲመ ካቲመ ሰውረት ኤረትርየ እግል ሊደዩቱ አምም ለዐለ። ሳኪን እግል ሕርየቱ ወትርቡቱ ለናድል በዐል መብደእ ወመባጥር ክሉ ረአሱ ሰበት ኢፈሸል ወኢልትፈለል ሳድስ ወራርመ ለሐልፈው 5 ወራራት ዐረ። ሸመት ወጽዔ ወፈሸል እንዴ ትገልበበ ህዩ ደእሙ ገብአ።


ዲብ 6ይ ወራር ከሳር አኳይ ክእነ ዐለ፡ 40,000 ማይታም ወሕኩራም፡ 939 አሲሪን፡ 7517 ለትፈናተ ቀሊል ወምግባይ ሰለሕ ትሰለቡ። 19 ደባባት ወመካይን ክምሰልሁመ 3 ጥያረት ሐርብ ደመረየ ምኑ። ወእብሊ ደርግ ዲብ ልትመክሕ ለአትበገሰዩ ሳድስ ወራር ለበዝሐ ከሳር አዳም እንዴ ሰበበ እቱ ፈሸለ።

ምሕርቡት ሕርየት እግል እሊ ክሉ ሳድፎም ለዐለ፡ መስደድ እብ ረሀየት ክምሰል ልትበደል ምን ደምነው፡ እበ ሳድፎም ለዐለ መእከይ ኢትሻቀለው ወዕንዳቱ ይኣርሀው። ሐቀ ስድት ረሀየት፡ ሐቀ ሐርብ ሰላም፡ ሐቀ እስትዕማር እስትቅላል ክምሰል ህለ ምን አመረው፡ ጀግብ እለ ዮም ንትመተዕ እተ ለህሌነ ሕርየት ለኢልትቀደር ቀድረው ወእግል ክሉ አሰቡር ወመሳድድ ተዐደው። ዐውል ሕርየት እስትሸሃድ ክምቱ ምን ቀዳሞም ሰበት ዳለው ህዩ፡ እበ ዲብ ገበይ ለሳድፍ ዕረግ ትከፈ ኢበሀጀው። ምን አፊት አስመረ ሳሕል ለአቀብሎ ዲብ ህለው፡ አስመረ ካልኣይ ሽቡቶም እብ ሕርየት ክምሰል ለአቀብሎ ኤተክ ኢወደው። አባይ ሐቀ ፈሸል ሳድስ ወራር ላተ እግል ልቶቤ ምንመ ዐለ እሉ፡ ውጽዔ ከጃል ሰበት መስለት እቱ ምን ናይ መፋገረት አርወሕ ጀርቤታት ኢወዐለ። ሐቀ ሳድስ ወራር ለዐለ መራሕል ህዩ ሚ መስል?

ልተላሌ.....



ምናድል ጀግብ ሞት ወቅትል ዲብ ልዳሌ



አድም አብሐርሽ

መተርጎሚያ፡ በብሔራዊ መረጃ (ወደ ፋሬስ)

መልእክት በሐር ክም ዓማኝ ጣቀት



እብ ለመድ ወጸሙር ላቱ አሰማይ፡ “በሐር ዓረት” አው ህይ፡ “በሐር ትፈረረት፡ በሐር መልእክት፡ በሐር ነቅሰት” ለልትበህል በህል፡ ዲብ ሰካን አዋራፍ በሐር እተ ለንትሐረክ ዲብ ወቅት ለእንሰምዑ ዘያታት ቱ። ተርጀመት እሊ ከሊማት ላኪን፡ ለበዝሐ ወቅት ለእት ማንራራብ በሐር ወጀዛይር ዐድነ ለነብር ክፋል መጅተመፅን ሌጠ ለልኦምሩ ቱ። ከእግል ሚቱ በሐር ትፈረረት አውመ በሐር ዓረት ለእምብል፤ ምን መትፈራር ወዐዩር በሐር ለትትረከብ መንፈዐት ሚተ፤ መትፈራር ወምዕያር በሐር እምብል እንዴ ህሌን ሚ በህለትቱ፤ እሊ ዛህረት እሊ ህይ እብሚ ሰብብ ትትከለቅ፤ መልእክት ወሽራብ በሐር እት ደሐን ድዋር ሚ መደረት ሰብብ፤ ዲብ ናይ ክል ምዕል መንበረት እቅትሳድነ ህይ፡ ሚ ተረትብ ገብእ፤ ውበዕድ ለልብል ሰኣላት እግል ለህሌ ክቡት ምንማቱ፤ ለሰኣላት ላኪን፡ እትሊ መጃል እሊ ለክሰሰት ምህንት ለሶም ሰብ መቅደረት ሌጣቶም እግል ልፍሆሙ ወልብሎሱ ለቀድሮ።

“መልእክት በሐር” ልትበህል እት ህሌ፡ ማይ በሐር እት ወሰክ አሰክ በር ለገይሰ እቱ ወቅት ገብእ እት ህሌ፡ “በሐር ትፈረረት” ለትብል ከሊመት ህይ፡ ንሳል በሐር ምን ገንን አው ማንራራብ በሐር እተ ለረይም ዲብ ወቅት ቱ። እት ለትፋነተ አካናት እዲን ምልኦት ወንቅሰት በሐር ለልትፈናቱ ምንማ ቱ። እት ገሌሁ ድዋራት በሐር እት ክል-ምዕል ሐቱ አው ክልኤ ኢነት ለጀሬ ገብእ እንዴ ህሌ፡ እት ገሌሁ አካናት ህይ፡ ምን ክልኤ ዶል ወለዐል በሐር እግል ትምለእ ወትንቀሰ ትቀድር። እሊ መትፈናታይ እሊ ህይ፡ ሰበቡ ሚቱ ምን እምብል፡ እት ጠቢዐትላ አብሐር ለተንከባ ቱ።

መልእክት በሐር እብ ሐለት-ሰሐብት ወሬሕ፡ ጸሓይ፡ ክምሰልሁመ

እብ ዱረት ምድር እት ክሎሊት ጸሓይ ለልትከለቅ መትደላል ማይ በሐር ገብእ እንዴ ህሌ፡ እሊ ለሳድፍ እብ ሰብብ ህይ፡ እብ ነሳፈት ሪም ጸሓይ ወወሬሕ ምን እሊ እንነብር

ወመትፈራር በሐር ለእንረክበ መንፈዐት ጣቀት ከህረበትቱ። ጣቀት ትትበህል እንዴ ህሌት “ለተአቀብል ወለኢተአቀብል” እንዴ ትበህለት እት ክልኤ



እተ ለህሌን አርድ፡ ቆሪን በሐር፡ ክምሰልሁመ፡ ምስል ቆሪን፡ መባትክ በህለት መባይእት ወመፋግር ማንራራብ በሐር ለልትጸብዋ ቱ። እብሊ ወለመሰሉ አሰባብ፡ እት ገሌ ማንራራብ በሐር እት ሐቱ አምዕል ክልኤ ኢነት መትወቃል በህለት ፊራሮ በሐር፡ ወመትደሃር ማይ በሐር አው ምዕያር በሐር ሳድፍ። እት ገሌሁ አካናት ዲብ ሐቱ ምዕል ሐቱ ዶል ሌጠ እግል ልሳድፍ ቀድሮ። እምብል እሊመ ለተሐባበረት ምልኦት በሐር በህለት ሐቱ ዶል ምልኦት ወዶል ሐቱመ ህይ ነቃሰት፡ ክም ሳልሳይ ጅንሰ ጠቢዐት ሐረከት ማይ በሐር እግል ልትዘክር ቀድሮ። ከሕነ ውላድ አዳም ምን እሊ ለትበህለ መትፈራር ወምዕያር አው መልእክት ወሽራብ በሐር ሚ ምንፈዐት እንረክብ? ሐቱ ምነ ምን ምዕያር

ትትከፈል። “ለተዐቀብል” ጣቀት ለትትበህል፡ ለእብ ጠቢዐት ለእንረክበ ትገብእ እት ህሌት፡ ምን ለኢተአትካርም ዓማኝ ክምሰል

ጸሐይ፡ ሀወኤ፡ አምዋጅ በሐር፡ ሐፋነት ከርስ ምድር (Geothermal)፡ ክምሰልሁመ ምን መልእክት ለትትረከብ ጣቀት ቱ። ‘ለኢተአቀብል ጣቀት’ ለትትበህል ህይ፡ ምን ወሐል-ሕያያም፡ ብትሮል፡ ፈሐም ወለመሰሉም አሸዩእ ለእንረክበ ጣቀት ለትክምክም ቱ።


እትሊ ብዝሐ ሰካን ዓለም እብ ዕጹፍ እንዴ ወሰክ ገይሰ እቱ ለህለ ወቅት፡ መዋመጥሩ ጠለብ ጣቀት እብ ለትወቀለ ቅያሰ እንዴ ወሰክ ገይሰ ክም ሆሉ፡ እትሊ አዜ ለህሌን ዲብ ወቅት ለዐበ ጠለብ ሽዐብ ዐለም ጋብእ ሆሉ። ክምሰልሁ ሰበት ገብእ፡ ‘ለኢተአቀብል ጣቀት’ እግል እሊ እንዴ ወሰክ ገይሰ ለህለ ጠለብ እግል ተአትምም ሰበት ኢትቀድር፡ ለሕርያን፡ እብላ ተአቀብል ጣቀት መትነፈያት አግደ ጋር ጋብእ ህሌ። እሊ ናይ ዮም መክቱብነ ህይ፡ ዝያደት ምነ እት ናይ ክል-ምዕል እምብል አትካራም ለትሳድፍ ሐረከት ማይ በሐር እግል ትትረከብ ለትቀድር ዓማኝ ለተአቀብል ጣቀት አው ለትትረከብ ሐለት ከህረበት

ማይ (ፊራሮ አው ምዕያር በሐር) እንዴ ትነፈዕክ ለትትረከብ ጅንሰ ለትዐቀብል ጣቀት ቱ። እትሊ ወቅት እሊ ምስል ብዕድ ዓማኝ ጣቀት እንቃርን እት ህሌን፡ ሐዳሰ ወሰኒ እምር ምንመ ኢትገብእ፡ ክል-ዶል ወእት ክል ምዕል እምብል አትካራም ምን ጂል እት ጂል ለትአተላሌ ሰበት ቱ። እት መስተቅበል ክም አወላይ ሕርያን ዓማኝ ጣቀት እግል ትግበእ ክም ትቀድር ሰኣዩት ዐባይ ለብን ዲብ በሰር ተውሊድ ጣቀት ቱ።

ለበዝሐት ዓማኝ ጣቀት እብ ዱቅሪ ትግበእ ወእብ ወለት-ገበይ ምን ጸሓይ ለትትረከብ ትገብእ እት ህሌት፡ ምን ምልኦት በሐር ለትትረከብ ጣቀት ላኪን፡ እብ መትፈናታት አርድ ዲብ ክሎሊት ጸሓይ፡ ወሬሕ ወሰከበት ጸሓይ እግል ትትረከብ ለትቀድር ዓማኝ ጣቀት ቱ። ምን ጸሓይ ወሀወእ ለትትረከብ ጣቀት፡ ምን ዶል እት ዶል መትቃያር ጀው ሰበት ሳድፈ ለምኖም ትትረከብ ሕዩል ጣቀት እግል ተአንቀሰ ወእግል ተአዚድ ላዝምቱ። ለእብ ምልኦት በሐር ለትትረከብ ጣቀት ላኪን፡ ደዊር አርድ ወሬሕ ወ ጸሓይ ዳይም እብ ሀለዮቱ፡ እብ ለገብእ ልግበእ መደረት ኢትጀሬ ዲብ። ሰበት እሊ፡ እሊ ዓማኝ ጣቀት እሊ፡ እግል ደማን መስተቅበል ወአተላለዮተ ለክሰሰ ምእት ምን ምእት ደማንት ቡ።

ምን ምልኦት በሐር ለትትረከብ ጣቀት ዲብ ሐለት ከህረበት ለትቀድር ማሸን “ናይ ዋጅ ጀነራቶር” (tidal generator) ትትበህል። እሊ ጀነራቶር እብ ፋንቱይ እተ ሐለት ደቅብ መትሐራክ ማይ ለልትረከብ እቱ አካናት እንዴ ነደቅ፡ ለድቁብ አምዋጅ ሐለት ማይ በሐር እግል ክፋል ናይለ መራዋኤሕ ክምሰል ለአደውሩ እንዴ ገብኦት፡ ምነ ደዊር ለትትከለቅ ጣቀት ፍጥር፡ ዲብ ናይ ከህረበት ጣቀት ክም ትትበደል ወድዮ ወእብ በሰር ቀሊል ክድመት ጣቀት ከህረበት እግል ንርከብ እንቀድር።

ልተላሌ . . .



ሻብ

ዶ/ር ዑመር ዑሰማን



ሻብ ጣቀት እግል ዳይመት ዐቦት

ሻብ ጣቀት እግል ዳይመት ዐቦት ለልብል ሸዓር ተርጀመቱ ሰኔ ፋይሐት ምንግተ፡ ለገአ ጂል እት ለትፈናተ አውቃት ናዩ መታክል፡ ተሐድያት ወመባጼሕ ቡ። እትለ ገአ ወቅት ህዩ ናይለ ገአ ጂል አስክ ዐቦት ለዋሌ ሕሳል መስኡልየት ሻብ ቱ።

እሊ ሄራር እሊ እት አካት እግል ልብጸሕ ህዩ ጣቀት ሻብ እብ ራትዐት ገበይ እት ሰኔት እግል ትውዐል ቡ። መጅተመዕ ዓማት ጣቀቱ ምክ ወሐለት ሻብ ቱ። መስተቅበል ናይለ ገአ ሸዐብ ሚ መስል እግል አመሮት ህዩ ጣቀት ሻብ እት ሚ ትውዕል አመሮት ምህምቱ። እብ ሐጪሩ ምስተቅበል ሸዐብ ወደውለት እት ዓጸት ሻብ ቱ። ሻብ እሊ ዋጅብ እግል አግደዮት ህዩ ትርድት ናይ ፍክር መቅደረት፡ ፈህም፡ እት ነፍሰክ ናይ ቀዲር መባዲእ፡ ካፊ ምህንት ወአምር፡ ትሩድ ሸረፍ ነፍስ ወምጅተመዕ ምስል ዓጸት ገበል እብ ዋጅብ ለልተሌ እግል ልግበእ ቡ።

ጣቀት ሻብ እብ ዋጅብ እት ዐመል እግል ትውዐል ወለ ለአትሐዜ ትቅደር ተአምጽእ ህዩ፡ ሻብ እሊም ለተሉ ጠባዬዕ እብ ዋጅብ እት ዐመል እግል ለውዕል ቡ።

1. መቅደረት ራቴዕ ፍክር ወውሕደት

አሳስ ለገአ ተጠውር ምጅተመዕ፡ ራቴዕ ፍክር ወመብደእ ቱ። ፍክርን አስክ ሰኔት ለነሰእ እግል ልግበእ ቡ፡ እሊ ሌጠ እንዴ አገብእ ህዩ፡ ውሕደት ገበል ለለአተርድ ፍክር እግል ልግበእ ወጅብ። ሻብ ምህም ክፋል ምጅተመዕ ሰበት ገብእ፡ እግል ለሐልፈ ተአሪክ፡ ለህሌት ሓለት እብ ዋጅብ ለለአምር፡ ወእግለ መጽኡ አፍካር እብ ዋጅብ እንዴ ፈህመ፡ ምን ሐር ለበልሰ መዋዲት ልትሐፍዝ ግብአቱ ምህምቱ። እብ አሳስ እሊ ፍክር እሊ ዶል እንርእዩ፡ ሻብ ኤረትርዩ ዋጅቦም አግደው ወለአገዱ ህለው። ክእኒ እግል መስለሐት ገበል አርወሐቱ ፍዝ ለወዴ ሻብ ረኪብ ህዩ ዐቢ በክት ቱ።

2. ነፍሰክ ቀዲር

ናይ ሰያሱት ሕርየት ዓጸቱ ወደሚኑ ናይ እቅትሳድ ሕርየት ወመቅደረት ህለዮት ቱ። ሕርየት እቅትሳድ ህዩ እምበል እት ነፍሰክ መተንካብ ወቀዲር ሰበት ኢትትረኩብ ህለዮት እሊ ፍክር ምለዐል ክሉ ምህም ገብእ።

3. ዕልም፡ ምህንት ወተክኖሎጂ ለመልክ

ዕልም ወምህንት አግደ አሳስ ወዓማት ዐቦት ቶም። እብ ተክኖሎጂ ዶል ልተለው ህዩ ዝያድ ፍገሪት ለሀይሱ። ምን እሊ ለእንፍህመ ምን ተህሌ፡ ዓማት ተጠውር ወድ አዳም፡ ዕልም ሐቆ ገብእ፡ ወእሊ እት ዐመል ለተርጀም ህዩ ሻብ ሰበት ቱ፡ ለከፊ ዕልም ወምህንት እብ ተክኖሎጂ ለተለ እግል ልርከብ ቡ።

4. ዓጸት ወነባሪ ምጅተመዕ

ዋሮ ሻብ፡ ወለ አልፍ ዶል ምንመ እሊ እት ለዐል ለሰሚናሁ፡ መቅደረት፡ ራቴዕ ፍክር ወውሕደት፡ ነፍሰክ ቀዲር፡ ዕልም፡ ምህንት ወተክኖሎጂ ለመልክ አፍካር ምንመ መልክ፡ ዓጸት ወነባሪ ሸዐብ ለለሐሽም ወእቡ ለልትመረሕ ሐቆ ኢገበእ፡ ለትመጽእ ዐቦት ለዘት ወተርጀመት አለቡ። ረያም ነሳፊት እግል ልንደኣነ ኢቀድር። ከጣቀት ሻብ እብ ዋጅብ እብ ራትዐት ገበይ ትሸቂ ክም ህሌት እግል አክዶት፡ እብ ዓጸት ወነባሪ ገበሉ ለሸንን፡ ለልትሕበን ወእቡ ለልትመረሕ ሻብ እግል ልርከብ ቡ።

ከሓይሳም ሸባን፡ ምስል እለን እት ለዐል ለሰሚናህን ንቃዋ እንዴ አትጸበዋን፡ መቅደረትን ወጣቀትን፡ እትሚ ንትነፍዕ እም ክም ህሌን ነአምር፡ ጣቀትን እት ዋጅብ ወምጅተመዕ ቀደም ለአብል ናይ ዐቦት በራምጅ ወአሸቃል እንዴ አዳሌከ፡ ሕሻል ተጠውር ወዐቦት ገበልን ንዋሌ።

ቀዋኒን መድረሰትን አሳስ መስተቅበልን



ኩልያት ወመዳርስ እት ሸቅለን ለሳዕደን ቀዋኒን በን። እለን ብዝሕት መንፈዐት እት በን ገሌ ደረሰ ሳኪን ለነፈዐ ሰበት ኢመሰላህም ኢልትሐሰሮ ወኢልትመረሐ እበን። እብ ሰበቡ ህዩ እት ለትፈናተ እብ ንዛም እንዴ ለብሰወ ገይሶ። ብዕዳም እግል ልምሰሎ ለኢትገብእ ሓጀት ኢወዱ። ዓብ እንዴ ሐድገው እብ ብነ ኢነዋሮ። ለገአ ሸቅል ቤት አው ፕሮጀክት ሐቆ ቦም እንዴ ሸቀው እት ወቅቱ ሰሉሙ። ክእነ ሰበት ገበአው ህዩ ክሉ ፈትዮም። ሰበት እሊ ፈዳብያም ደረሰ እግል ንግበእ ክመ እዩሳም ወፈዳይብ ደረሰ ለወዱ ንውዴ። ወዕወታም አንፋር ለገይሶ እበ ገበይ ሕርያን ትግበእ።



መሻክል ለአቱ። ለፈዳብያም ደረሰ ሳኪን አስክ እት መድረሰት ህለው እበ ቀዋኒን መድረሰት ገይሶ ወለሐሸሙ። ዕወታም ድድ ቃትን ኢገይሶ። ቀዋኒን ወለ አልፍ ዶል ምን ከብዶ ክም ሰድምም ዲኢትን ድዶም ክም ኢትን ሰበት ለአምሮ እበን ልትመረሐ።

ፈዳብያም ደረሰ እግል ምደርሲኖም ምን ዋልዴኖም ወለዐል ለሐሸሞም። ምደርሲኖም ወለ አልፍ ዶል ምን ከልጦ እብ ሕሸመት ለአፍሁሞም እምበል ክም መልህያምም ኢትን ለልትሃገው ምስሎም። ምደርሲኖም ክም መሻይክ ወመዳርሶም ክም ጀዋሚዕ ወከናይስ ልርእወን። ፈዳብያም ደረሰ ድሺዘ ለዋጅብት ልባስ ደረሳይ ክምተ ሰበት ለአምሮ እት ጅወት መድረሰቶም ሌጠ እንዴ ኢገብእ፡ መድረሰት እት ገይሶ። ምን እት ለአቀብሎ

አምሳላት

ምልተር ክሪሰለር ለልትብህል ባሕስ ዕጩትክ ምለዐል ክሉ ሚ ለአትሐዝዮ? እንዴ ቤለው ክም ትሰአለው፡ “ዐስር ፈዳብያም ሸቃለ ሳዐት ለኢልርኡ ወጀረስ ለኢልታከው” ዲብ ልብል በልሰ እቶም።

አንድሬው ካርኔ፡ “ለክመ ትበህለቶም ለኢወዱ ወክመ ለትበህለቶም ሌጣ ለወዱ ዕወታም ኢትን ልብል።

ማርኩስ ኦረሎዩሴ፡ “ፈርሐት እት ቀበትክ ሐቆ ኢሐዜካህ ዲመ እግል ትርከበ ኢትን፡ ፈርሐት እት ልብክ ወደሚርክ ህሌት” ልብል።

ማርኩስ ኦረሎዩሴ፡ “ለገአ ነፈር ቀበኒ እንዴ እቤ ኣቢሁ ኢአምር። ዲብ ናዩ ደረጀት እግል ሚ እትከፊ። ቃትን ሐያትክ ክመ ዋልት ዋይትማንስ ለቤለዩ ልግበእ። ለገአ ነፈር እት ረከሺ መስኡልየት አለቡ።



ልባብ

ጣኡስ ወዴክራብ

ዴክራብ ሓቴ ዶል እተ ደብዐት እት ለአንገዋጌ፡ እት ረአሰ ሐቴ ሰኒ ውቅልት ላተ ዕጩት ጣኡስ ሰኒ ግሩም ግሱይ እት እንቱ ረአ። ምስል ነፍሱ እት ልትሀጋጌ፡ “እሊ ጣኡስ ጸቤሕ ወገብእ እግልዬ ዐለ፡ አዜ እብ ከፎ እግል እርከቡ ቱ?” ቤለ። ህቱ እተ ዕጩት እንዴ ፈግረ እግል ልቅተሉ ክም ኢቀድር ሰኒ አምር ዐለ።

ለእለ ቡ ናይ ቃሸሾት ቅድረት እበ እግል ልትነፈዕ ሰበት ሐዘ፡ እግል ጣኡስ ክምእነ ቤለዩ፡ “ደሐንካቱ መልሀይ፡ አፎ ክምእነ እት ረአሰ ዕጩት ውቅልት ተሀንቀብክ? እተ እጅትማዕ ለፈግረ ቀራር ሳምዑ ህሌክ ኢመሰለኒ፡ ለእጅትማዕ ክሎም ሔዋናት ጅምዓም እቱ ዐለው፡ ከዲቡ ምን እለ ዮም ወሐር ሔዋናት ወሰራይር ጀላብ ነብረ እንዴ ቤለው ሕድ-ሕዶም እግል ኢልቃትሎ እት እትፋቅ ትበጸሐ። ወዐባዩ ዓሰታትመ ሐቆ እለ እግለ ናኢዩሽ ዓሰታት እግል ልብልዕወን ኢኮን” ቤለዩ።

“ከእሊ በህለት፣ ምን እለ ወሐር ለመልክ ሐዩት፡ ወነን ወከራይ ሰዐር እት በልዎ እግል ለአንብቶ ቱ በለኒ” እት ልብል ጣኡስ እብ ጀሀቱ እብ ተርጀገት በልሰ እቱ።

ምናተ ዴክራብ እብ ቀላል ቀላሉ ምነ ሕሳባቱ እግል ልትናዘል ሰበት ይሐዘ፡ እብ ምልሃሁ ሂጋሁ እንዴ ዐገለ “እለ ጋሪት እላመ አማንነቱ፡ ዝያደ ተውዲሕ ለአትሓዘዩ ሀለ መሰለኒ። ከአዜ ደሐንቱ ነዐ ትከሬ ዲብነ ምስል አስክለ መልክ እንዴ ጊሰኑ፡ እለ መሰኣለት እለ ለከሰሰ ተውዴሕ ሀበነ እግል ኒበሉ” በለዩ።

“አሰክ መልክ እግል ኒጊሰ ክሉ ረእሱ ኢለአትሐዜነ መሰለኒ፡ ገሌ መሳኒትከ አሰክ እለ ዕጩት ገጾም እት መጽኦ ምን ቅብላት እርእዮም ህሌኮ ማሚ።” ቤለዩ ጣኡስ እግል ዴክራብ።

ዴክራብ አመተ ለይዐለት እሉ ሂጋ ጋብአት እቱ እት እንተ፣ “ምንቶም እሎም ህዩ” እት ልብል ትሰኣለ።

“ለአክላብ ቶም” እት ልብል በሊሰ ሀበዩ።

ዴክራብ ፈርሀት እተ ሂጋሁ እት ትትአመር “አክላብ ከፎ!” ቤለ፡ ወእግል ሰከይ እብ ብግሩ ገብኡ።

ጣኡስ እለ ክም ረአ፣ “ደሐንቱ ማሚ አፎ ሀራብኩ፡ አዜ አዜታይ ክሎም ሔዋናት ወሰራይር ሕድ እግል ኢልብሎዎ እትፋቅ ወደው ትብለኒ ኢጸንሐክ? ቤለዩ እት ልትሰሐቅ።

ዴክራብ ህዩ፣ ምናተ እሎም አክላብ እሎም እሊ ቀራር እሊ ሳምዓሙ ህለው መኢስምዐዉ ምን ዳልሆም ሀለ” ቤለዩ ወሰኒ ሻፍግ እት እንቱ እተ ቀበትለ ደብዐት ለሻፍቀት እብ ሰከይ ክባባይ ገብኡ። ከዓቅል ክል ሐዳሰ ዶል እብ ቀላል ዲብ መለገት ኢልትከሬ፡ ወለሀ ትግበእ ወለሀ ብስርመ ኢለሐግል።

በህል እ'መራም

አልፍሬድ ሄቸተካ (ወድ እንግሊዝ ላቱ መርተዓይ ወመንትጃይ ሲነመት ቱ) ከእሊ ተሌ ገሌ ምን መባልሱ ቱ፦

- ☐ ምን ባብ ድቡእ ለተአኬ ሐቴመ ይህሌት።
- ☐ እግል መሰኒከ ግራክ ኢተሀበ።
- ☐ አነ ድድ ፖሊስ የአኑ፡ አነ እፈርህ ምኖም ሌጠ።
- ☐ ድራመ በህለት፡ እዲነ ለልአመሽጎ ተዩልል ክም ወርኬከ ምናተ።
- ☐ ዝብጠት ርዕብ ኢትወዴ፡ ለልአርዕብ ሀለ ምን ገብእ ለመትጸባራ ቱ።
- ☐ ክሎም ሙመስሊን ዐጣል ቶም ይእቤ አኑ፡ አነ ለእቤለ ክሎም ምመስሊን ክም ዐጣል እግል ንርአዮም ብዲብኸ።
- ☐ እናሰ አሰክመ እሲቱ ለኢቴለተ ለገብአት ትግበእ ዘዐት ኢፈህመ ክም ሃዲ ኢልትዐለብ።

ተርጀመት መሰል

“ምን ዝላም እት መጽሀይ፡ ወምን ውሒዝ እት መዐደይ”

ዝላም እንዴ ኢትመጽእ እት ባክ መጽሀይ እግል ትጽኀሕ፡ ወውሒዝ እንዴ ኢመጽእ ምን በዲርከ እት መዐደይ እግል ትጽኀሕ ላዝም ቱ፡ ወእለ ለሳረት ቱ፡ ተሀብዋ አውመ ውሒዝ ገሌኩ።

እሊ ሚ በህለት ቱ፡ ለጋራት ምን በዲርከ ነገር ደሐን እት ወግም እንዴ አቴካሆም፡ ሐቴተ ከእት ገበዩ እግል ትክረዩ ለአትሐዜ።

ደረሳይ ገብእከ ምን ገብእ፡ እምትሓን እንዴ ኢለዐሬከ ምን በዲርከ ተሐፍዝ ወትሣክር። ወሐረስታይ ገብእከ ምን ገብእመ እት ዶሉ ተሐርሰ ተሀርም ወትብትክ ወተኣቱ፡ ወህተ ሐቆ ኢትገብእ መቅጠንከ እግል ሕግላን ወሰፍረ አዳሌ።

እሊ በህለት ክሎም ዐዋቅብ አሰባብ ቦም፡ ወለአሰባቦም ሐቆ ረክበውቱ ለልሐሰሎ። ከብቆት እግል ትድሐን፡ ወምን ሰፍረ እግል ትሰለም፡ ወምን ጀሀል እት በርሀት እግል ትፍገር፡ ምን በዲርከ ምንለ አሰባብ አወልዋ፡ ወገበይ ደሐን ወረሀዩት ታሌ።

ሓባለ ዐንከቦት ንገፉ ምንከ ከእንቡተት ሐዲሶት አንብት

ሐዳሰ ወዐባይ እንቡተት ተአትሐዜከ ህሌት፡ አዜ እት እንቱ! እብ ናገፎት ናይለ እት ክሎም አርካን ሐያትከ ለህለው ሓባል ዐንከቦት አንብት!!

ምን አመረ አርካንለ ሐያትከ እብ ሓባል ዐንከቦት ልትገልበቦ ኢመሰል እትከ ገብእ፡ ምናተ እሊ ጋር እሊ አክል ሕድ አማን ልምሰል እትከ። ምን አመረ እንተ አሰክ እዘንከ ዲብ ኢፋሉታይ ላቱ ሸነካት ታውቅ አውመ ቃርቅ ዶል ተሀሌ፡ ወእግል መደት ረያም ደለ እለ ተሐሰብ ተአፈርህከ ሐቆ ተዐሌ፡ ለቀበትከ ክለ ምን ወቅት ረዩም ለተኣከበት ጣቀት ክዝንት ህሌት፡ እለ ጣቀት እለ ህዩ እግለ እለ ብከ ሐለት ክለ ትመዋጠ።

ነጊፍ ናይ እሊ ሓባል ዐንከቦት እሊ ህዩ፡ ሰኒ ቀሊል ውበዞሕ ጅሁድ ለኢለሐዜ ናይ ናገፎት ቀዳሚት መሲር ቱ። እለ ሓሰትለ መትጸወህ (Stagment Situation) እሌ፡ ሐቆ ወቅት ቅሩብ እግለ ሐዲሰ ምን ረዩም ሮያዩ ትርኢ ለህሌከ ለልአንጨዋሬሕ ሐዲሰ ተዩልል አካን እግል ተኣዳሌ እሉ ብዞሕ ሰዳይት እግል ሊዴ እግልነቱ። ከእለ “ሓሰት መትጸወህ” ትትበህል ለህሌት ህዩ ሚ በህለት ተ ገብእ?

- መክርባይት አውመ ምራድ ወሸንህት ለኢተኣተምም ዕላቀት፡ ሸራኩት ወመሰንዦት።
 - ለልአመሽግ አውመ ብዞሕ ወቀይ አውመ ተሐዲ ለአለቡ እቱ ሸቅል።
 - ምስል ዓፍዩት ለልትጻረር አደብ መጠቢዐት።
 - ደንጎበ አውመ የም ወሐረሰ ለአለቡ መጸግም።
 - ድሩሪ ለኢኮን ተካሊፍ።
 - ምን ሐለት ወለዐል ላቱ ዋጅባት አውመ እልትዛማት ቶም።
- ከእሊ ተዩልል እሊ ምን ነፈር እት ነፈር ብዞሕ ልትፈናቱ፡ ምናተ ምንከ ለትትሐዜ ህሌት ምን ገብእ፡ እንተ ምን ዎሮት ምን እሊ ተዩልል እሊ ለትትባለሕ እቱ ወቅት ሙናስብ ምዶል ክም ቱ አክል ሕድ እግል ተኣምሩ ለአኣትሐዜከ።
- የምክን እንተ ለብዮቱ ጼወ መሻክሉ የም አለቡቱ ኒበል፣ እሊ

እንተ እግል ትሕደግ ወጼዋከ እግል ትልከፍ ብእትከ በህለት ኢኮን። እለ እግል ቲዴ ገብእከ ምን ገብእ፡ እት ሰልፍ ክምሰልሁ ለተአወዴ ደረጀት እተ እግል ትብጸሕ ለአትሐዜ። ሕኔት አሰክ ሕድጎ ትሸፍግ ብዕድ ሐራን ኢትሰእን፡ በህለት ምስለ ካልኣይከ ምን ክሉ ቀልብከ ወእብ ከብድ ባርሀት እግል ትትሃጋጌ ብእትከ፡ ወእብለ ገበይ እለ ክልኢትኩም ለዕላቀትኩም እግል ተኣትሓይሶ እብ ሕበር እግል ትሸቀው ብእትኩም።

ለእቱ ፍሩር ህሌከ ሸቅል መምሸጋይ ውበዞሕ ተሐዲ ለአለቡ እቱ ቱ ኔበል፡ እብሊ ሰቡብ እንተ ብዕድ እት አካኑ ለትትፈረር እቱ ሸቅል እንዴ ኢትረከብ እግል ትሕደጉ ሐዜከ። ደሐን ምሸክለት አለብከ! እሊ ሸቅልከ እግል ትሕደጉ አለብከ፡ ምናተ ምን ተሐምቅመ እብ ክሰሳ ምኑ ለልሐይሰ ወዝያደ ለውቀት ወፈርሐት ለጀልብ እትከ ብዕድ ሸቅል ለትረከብ አበ ገበይ እግል ትሕሰብ ብእትከ።

ነጊፍ ሓባል ዐንከቦት እምብል እት ህሌኑ እት ክለ ሐያትከ ረብሸት ለሰብብ እግልከ እግል ልግበእመ አለቡ። ለአማን እንተ እት ሰልፍ እግለ ምን ገበዩ ፋግር ለሀለ ወረዓዩት ተኣትሐዘዩ ህሌት ለትብሉ ተዩልል አክል ሕድ እግል ተኣሌልዩ ወተኣምሩ ብእትከ። ከዶል ለእሊ እትጃሃት እሊ አክል ሕድ ትፈርጋ ቱ፡ እተ ዶል ለሀ ለገብአት ጋሪት እብ ከፎ ገበይ ክም ትትቃርሐ እለ ለናስብ ብስር እንዴ አዳሌከ እለ እተ ዶል ለሀ ቀራር ንሰእ።

እብ ምልሃከ እብ ሐበት ሐበት እግል ክሎም እሎም ጽውሃም ለጸንሐው አውመ እት ሐያትከ መታክል ሰብዐ እትከ ለዐለው መሻክል ሐል ርከብ እሎም። እተ ዶል ለሀ እብ ምልሃከ ነፍሰከ ምን ዶል እት ዶል እት ትትሸበህ ውሓሰትከ ክለ እት ተሐይሰ እግል ትርኣያቱ። ከእሊ መዛጃትከ ክም ሰነ ወትበደለ፡ ምን መጺጸት ወፈርሀት እንዴ አወለዋኩ አሰክለ ሓሪትከ እብ ሰእዩት ወሸንህት እግል ተኣቅምት ቅድረት ካፍዩት እግል ትርከብ ቱ።

እብ ፍንቱይ ልብ እግል ትክሬ እቶም ለልኣትሐዙከ መጃላት፦

እት መጃል ሸቅል፦ ለኢተመው መጸግም ወመሻሬዕ፡ ምን ቅያሰ ወለዐል ለትረገሐ ጀድወል ዐመል፡ እብ ገበይ ለኢትነዝመ መክተብ፡ ኢመፍርያይት ጠቢዐት፡ ሐል ለኢረክበው መሳእል፡ እት ዓፍዩት ደረር ለሰብዐ አሽቃላት ወዕላቃት፡ ዋዴሕ ለኢኮን ስታት አውመ መባጼሕ፡ ሕግላን ናይ ረዩም ለአጀለ ኻጠት (long-term planning) ለመሰሎቶም።

እት መጃል ዕላቃት፦ ለኢትትሀደግ አማን፡ ቀሀር ወመራረት፡ ሐል ለሰእነ ቀጽብ፡ ሕቅድ፡ አከይ ንዩት፡ ትዕሰ ወአሰፍ፡ እሃነት፡ ዴን፡ ግለት አደብ፡ መክርባይት ጠቢዐት፡ አማነት፡ ሸንሀት፡ ዖን ወሰዳይት ለመሰሎቶም።

እት መጃል ማል፦ እት ወሰክ ለገይሰ እተይ፡ አንቀሶት ድሩርዩት ለአለቦም ተካሊፍ፡ አክል ሕድ ላተ እዳረት ማል፡ ረዩም ለአጀለ ኻጠት ዐመል፡ ተብደሮት ወከሰእ ማል፡ ሚዛንዩት፡ አንቀሶት ዴን፡ አከቦት እከ ለከሰሰ ምስል ብዕዳም ለሀለ ማል ውበዕዳም ቶም።

እት መጃል ገሮብ፡ ስምዲት፡ ወዲን፦ እት ዓፍዩትከ ተእሲር ለትወዴ ጠቢዐት፡ ሰዱ ለሐልፈ ሸቅል፡ መትማጣል ወኣትማሸሾት፡ አትመዛዘን ሸቅል ወመንበረት፡ ውቅት ፋግዖት ምስል ለትፈትዩ ነፈር፡ አክል ሕድ ላተ ዕርፍ ወሙነት፡ ድድ እጅትማዕዩት ላቶም ጠባዬዕ፡ ቀሀር፡ ቀጽብ፡ መትራያም ዴን፡ ፈዳወት በህለት እብ ሃል ግብኣት፡ ዐደም ስታት አውመ ኣብደዮት ወጅሀት፡ ፍንቱይ እግል ርሕከ ለትከሰሱ ወቅት፡ ዓበዮት ነፍሰ (እብ ዕልም ወቅድረት)፡ ወኣትሓዩሶት ነፍሰ ለመሰሎቶም።

አሀምዩት ናይ እሊ መሲር አክል ሕድ ትርእዩ ህሌከ መኢፋልካ? አክል ሕድ ክመ ዐላል ለምነ ዘረ ትሸንክዩ መሰል፡ ዶል ለእለ ትወዴተ ለማይ እተ መሓዝ እምበል ምሸክለት ምን ሓዲሰ እት ዘሬ ለአነብት። ከእንተ እግለ እት እዲናከ መታክል ሰብዐ እግልከ ለዐለው ጋራት እንዴ ነገፍካሆ ወከፍከፍካሆም ምንከ ለገበይከ አርተዕካህ ምን ገብእ፡ እንተ እት ክሉ መጃላት ሐያትከ ፋይሐት መንገአት አሰክ ዐውቱ ወረሀዩት ትፈቴሕ ህሌከ በህለት ቱ።

ዝበድ

ዛዖታት

ቀዳሚትከ እግል ተኣምር ሐቆ ሐዜከ፡ እግለ እትለ ሓድረትከ ለህለው ተዩልል አቅምት። ውሓሪትከ እግል ተኣምር ሐዜከ ምን ገብእ ህዩ እግለ እትለ ሓድረትከ ትትፈረር እቶም ለህሌከ መጸግም አቅምት።

ተበሰም

ዎሮት ጀኔታይ እሙ ጭገረ እት መሸዋ ዶል ረአዩ ተማም አትቃመተዩ ወሐር፣ “ይመ፡ እሊ ጭገርኪ ሚ ጀሬት እቱ አፎ ገሌሁ ጸዕደ ገብእ ቤለዩ?” ቤለዩ። ህተ ህዩ ምን እሊ ሰኣሉ እንዴ ትበገሰት ገሌ እግል ትምከሩ ሰበት ሐዜት፣ “እብ ሰብብነቱ እት ጸዕደ ልትበደል ለሀሌ፡ ክል አምዕለ እለ ኢቲዴ እብለከ ትወድዮ፡ ወእሊ ውዴ እብለከ ተኣብዩ፡ እብ ሰብብነቱ ምስልከ ድንግሑ እብል እውዕል ህሌኮ ማሚ?” ቴለቱ።

ለጀኔታይ ህዩ፣ “ኣሃ! ናይ አቦቼ ጭገር ህዩ ሚ ገብኣ አፎ ክምእነ ሊፋይ መሰለ እብል ዐልኮ፡ አዜ ህዩ ደሐንቱ ተማም ፍህምኪ ህሌኮ” ቤለዩ።





ነፈሰ ወድ ዕትማን

ምን ሐልዮት መንሰዕ ቤት-አብርሄ፡ አውዕለ ወድ መሐመድ ለልትበህል ሓልያይ፡ ምን እሙራም ሐልዮት መንሰዕ ነብረ። አውዕለ፡ እግል ከንቲባይ ቱድሮስ ወከንቲባይ ብእምነት ለሐለዩ ሕላዮት ክእነ ትብል፡



ምን ሕላይ ሰብ በዲር

ድግም ደብተረ ወወዕገ


ነፈሰ ወድ ዕትማን ወኢኖ ሊትማን እት ክታብ አድጋማት ትግራይትመ ብዙሕ አድጋማት ካትባም ቶም። ምንላ 125 ለጉበእ አድጋማት፡ ናይለ እት ሰነት 1910 ዲብ መዲነት ሊይደን ለትጠበዕ ክታብ አድጋማት ገባይል ትግሬ ምኑ፡ እግል ዮም እለ ተሌ ድግም ሓርያም እኩም ህለኑ።

ዎሮት ደብተረ እት አካን ጭንቢት እንዴ ገእ ከትብ ዐለ። አክለ ትጌገ ህይ ደለ ትጌጌት ምኑ እብ መላጼ ለአበድኖ ዐለ። ወክእነ እት ከትብ ወዐገ ምን ለዐል ምን ረአሰለ ዕጩት ልርእዮ ዐለ። ለደብተረ ምን ምግሳዩ እግል ገሌ ጋሪት ቅንጽ ወደ።

ለወዕገ ህይ ምንላ ዕጩቱ ትከረ ከክምሰለ ደብተረ እግል ልክተብ እት ለሐዘ እግል ደብተረ ለከትባይ ክቱብ ምንክል አበለዩ ምኑ። ሐር ለደብተረ ምን ጋሪቱ ክም አቅበለ፡ ለክታብ ምንኩል ጸንሐዩ ወሰኒ ገሀ። ደአም እግል ወዐገ “ከሰኒ ኣነ ለወዴክወ ክምሰልህ ምን ትወዴ!” ቤሎ። ወለመላጼ ነስኣ ከሰኒ ሰሐለዩ ወክም በቅዑት፡ እበ እንክረ ለግቦሕ ለወዕገ ዲብ ለአተቅብሉ እግል ሲጋዱ ሐግሐገ እበ። ሐቆህ እግል መላጼ እት አካን ረአሰ እበነት ከረዩ ወክምለ ዶል ቀዳሚት ለወደዩ እት ጋሪቱ ክምለ ቀንጽ ትመሰለ። ወሐር ለወዐገ መጽእ ወእግል መላጼ እንዴ ነስኣ (ሀረስ) ክምለ ደብተረ ለወደዩ እግል ሊዴ እት ለሐዘ እብለ እንክረ ለባቂዕ እግል ሲጋዱ ሐግሐገ። እብላሁ ህይ ለሲጋዱ እንዴ ሐርደ ሞተ።

ወእብለ ወዐገ፡ ክምለ ደብተረ እግል ሊዴ እት ለሐዘ እት ብቆት በጽሐ ልትበህል።

እለ ድግም እት ምድር ከበሰ ኤረትርዩ ለትዳገም ክም ተ፡ ዲብ ክታብ አድጋማት ወግዳት ትግሬ ነፈሰ ወድ ዕትማን ወኢኖ ሊትማን ካትባም ቶም።



ምን ሐልዮት ቀዳምያም

ነፈሰ ወድ ዕትማን ወኢኖ ሊትማን እብ ክሰብ ሐልዮት፡ ዓዳት ወአድጋማት ትግሬ እት ወደወ በሐስ ወድራሳት፡ ክምሰልሁ እት ደረጀት ሞባዐት ለአብጸሐው፡ ዮም ክብት ትግራይት ጋብእ ለህለ አክትበት፡ እግል መጽእ አጅያል ህግዩ ትግሬ ዝሕረት ዐባይ ቱ። ነፈሰ ወድ ዕትማን ወኢኖ ሊትማን ህይ ዲብ ተእሪክ፡ ዓዳትን ወሕላይን ለአግደወ ዶር እብ ቀሊል ለልትረኡ ኢኮን። ከሰፍሐት ፈን ወግዳት እለ እት አክትበት በዲር ለህለ ርዝቅ ህግደን ክሉ አዳም ጀላብ እግል ልርከቡ፡ እትሊ ዓሙድ እለ ምነ ብዙሕ ጽበጥለ አክትበት ዲብ ለሐሬ ቀድም እኩም ህለ። ከእግል ዮም ምን እለ አክትበት እለ ዱሉይ ለህለ ጽበጥ እግል ንርኤ፡

ለዘዕዩ ግሩም ዲብ እንቱ አዘ ዳምር ወሐለዩ ኣነ ምንመ እብሎ እበን ወዕጩይ አብደዩ ረአሺ ምንዲ ትነተሓቱ ለአጽፋር እበን ጋድአዩ አዘ እግል ለዓዱሎ ቱ ግሩም ሐጨር እደዩ ኢከልእ ወድ እድሪስ ማጤ እግል ሐዘዩ ኢሰኬ ወድ እድሪስ ቃይብ ቱ እግል ትበአሰዩ

አይባት እክባት ብዲቡ ለጋድም ንዋይ መልአዩ ሐለጎታት ለድዋሩ አሸሓት ግልጸ መጽአዩ ኢህለ ድኢኮኒ ከአፎ በርድ ለሐደዩ ቀሪም ትግሬ ተሐርሶ ክልቤት ክምሰል ትሸነህዩ ጸጋይ ለፈኩ ኢለሐዘ ክል ገባይል ወዐዘዩ ፈዳብ ለዐገብ ኢልክህል ገብር እግል ገብረዩ ሰለሰ ዘብጦ እግል ሐቱ ዋረዩ ለብዕራይ ሐርስ ክሰቴናይ አክል እለ ምን ረአዩ ለክስታን ንዋይ ማዋዩ ለእሰላም አግማል ጸዐዩ በዲር ህቱ ትወለደ ወተርፍ አዘ ሐድገዩ ህቱ ሐምስ አሰለሐ ረቢ ምንዲ ሀበዩ

ገሀተልዲ በኑ ልትጸገም እለ መንመ ወሀድገዩ ለእበ እት ሰብ ዐዱሎ ኩሉ ምንዲ አበዩ መዐታር ምንዲ ሰኣነ እሎም ለሸልሐ እንዶ ከልአዩ ግንሐት ሰሉሲ ቱ ረቂቅ መአዘ ጸንሐዩ “ገድዐንህ” እት ልብሎቱ ጸበጥንህ ለእደዩ “ሐጥዐንህ” እት ልብሎቱ ገድም ማላት ሐግለዩ “ጋምሐንህ” እት ልብሎቱ ሸንቅር እንዶ ሰጥረዩ “ሰወርንህ” እት ልብሎቱ ሐንዴ እንዶ ገልዐዩ አሰናይ ዐለ ምን ምክሔ ኩሉ ሐቆ ሰምዐዩ እት ልብሎ “አግሀጸ” እበን ጸለም ሰአነዩ ንወር መምበር-ሀረድብ እት ቤት ማርያም ሰርሐዩ ፈዳብ እሙ ቲለዶ ለእበ ሸባ ተ ገበዩ እለ መንመ ወዐራቡ ተልሃቡ ከኖሱ አብደዩ ለበሰዋት ጥሉል ዓሙዱ እት ክል መክሩህ ደከዩ ሐጸ እግል ለአብለዐን ለነገሰ ሸፍር ሀበዩ ቀንጽ ለእሉ ተናክፍ ወመይት ለህቱ ረግመዩ ለእሉ ልትዐድዐድ ኩሉ ረአሱ መን ረአዩ ሸማገላይ ወትግራይ መን ቱ “ልእቱ” ቤለዩ እለዲ ኖሱቱ ዕዳሉ ወእለዲ ረቢ ቱ መልሀዩ።

እለ ሕላዮት ለአተንሴ ለዐለ ዳምር ወድ ግብግን፡ ቅባለ ለበለ

ሕላዮት ዶል እንረኤ፡ ገሀተል በኑ ልትጸገም አማኑቱ አውዐለ ገሀተል ኮናተን ቱ ዕልብ ሚ ቡ ለዐሸረ ገሀተል ሐረምዝ ቱ ፎቲብ ለክርብ መንጠለ ገሀተል ህያበን ቱ ጀቅፎ ምኑ ክም ዘረ ገቢላት ልጸገም ንዋያ ቱ እለ ትገንፈለ ሰብ ዐዱ ልትጸገም ኢትሰምዕም እብ በረ ክልኦት ሰልጣን ልጸገም ከይመት በጥር እት ነሐረ ሐቆ “ሕሮዶ” ሱተሉ ቱ እለ ትሰሐለ ወሐቆ “ሸኖቆ” ሐብሎ ቱ እለ ትሰቀለ ወሐቆ “እሶር” ሸቤን መምበ መቅደለ



ኢኖ ሊትማን

መብረደ ፋግር ወዘሐለ ክምሰል ከረ ግልባዩ ወእድሁ ክምሰል አፍገረ ድሩይ ገይዳት ገላግል ሸልሐ አድማይ ዛረረ ተርፈ ምኑ እብ ብጣር ላመ እሉ ትጋደለ ዎ መልሀይ ኩብድ መልሀይክ ሕፋን ህለ ሰረረ ለአውዕለን ምን ሃበ ወምን ንጠር ለዐስተረ እቡ ቤተ ለቤተ ወእቡ ላመ ትደረረ። ክምሰለ እለ አብያት ሕላይ እንርእዩ ለህሌኑ ሰብ በዲር ሕላይ




ሺመት ነስኣ ወጋሚ ጀህ ለሀዩ ወዐመለ ምንተሐት ምንላ ሰለጥን ወምለዐል ምንላ አምሐረ ወድ ሐጺነት መወለድ ቱ

እብ ሕላይ ቶም እት ዶሎም በልሶ እቱ ለነብረው። እለ ህይ ለፍድብናሆም ወሰብእነቶም ለልአርኤ ቱ።



ርክን ሰወር ሰብ በዲር



ፈሪቅ ሰገን፡ሐሳብ ማርሐት ጸብጥ ወክበተሐረር ደረጃቱ ወቅክ



ፍረቅ በሐር ቀየሕ ወደንደን

ካልኣይት ሳምንቱ ለአተምም ለሀላ ጅግራታት ኮበሪት እግር አወላይ ድሺዝዮን ‘ኤ’ አቅሊም ምግብ፡ ለሐልፈት ከሚሰ እብ ሰለሰ ትልህያታቱ እትሉሉይ ዐለ። እትሊ ጅግራታት፡ ፈሪቅ መኣሰሰት ብነኦ ሰገን እባ መተልህያዩ ፊልሞን ደሞዝ ለአተዮም እሉ ሰለሰ ጎል (ሃትሪክ) እግል ፓራዲዞ 4-0 ቀልበዩ።

እት ሰር-ምዕል ለአንበተት ትልህዩ ፍረቅ ሰገን ወፓራዲዞ፡ ሰገን ፊልሞን ደሞዝ እት 26 ደቂቀት ለአተዩ እሉም ጎል እቡ፡ እንዴ መርሐው እግል ዕርፍ ፈግረ። ሐቆ ዕርፍ እት ተሌት ትልህዩ ፓራዲዞ መተልህያዮም ኦሳማ አሕመድ እብ ከርት ቀየሕ ዲብ 49ይት ደቂቀት ሰበት ትጠረዘ፡ ትልህያሆም አካን ትፈተሐት ዲበ።

ፈሪቅ ሰገን ነቃስ ፈሪቅ ፓራዲዞ እት መሰለሐቱ እት በድሉ ትረኣ። እት 63 ደቂቅ እብ አፍወርቂ ዛይድ፡ እት 72 ወፓ ደቃይቅመ እብ ፊልሞን ደሞዝ ሰለሰ ጎል እንዴ ወሰከው፡ ፊልሞን እግል ርሐ ሃትሪክ ወእግል ፈሪቁ እብ አርበዕ ጎል ክም ቀልብ እንዴ ወደ ብሰኒት ሸቀ።

ፓራዲዞ እት 79 ደቂቀትመ ካልኣይ መተልህያዮም ዮናታን

ሚካኤል እብ ከርት ቀየሕ ከሰረው።

ፈሪቅ በሐር ቀየሕ ምስል ዝዛባንደ ለወደወ ካልኣይት ትልህዩ ህዩ፡ በሐር ቀየሕ እብ ቤንሁር ጠዓሚ ኦሮ ጎል ሰበት ኣተው፡ 1-0 እግል ዝዛባንደ ሳርሐው።

ሳልሳይት ትልህያመ እት ፍንጌ ፍረቅ አስመረ ቢራ ወመኣሰሰት ብነኦ ሰምበል ገብኣት። መተልህየት ሰምበል ነኣይሽ ወሻፍጋም፡ አስመረ ቢራ ህዩ ሰብ መቅደረት ምንመ ዐለው፡ ክልኢቶም ፍረቅ ሕድ ለፈርሀው ወሐለቶም ሕድ ለከርዐት እት መሰሉ፡ ጀርቤታት ብዞሕ እት ወዱ ሰምበል እት 35ይት ደቂቀት ሐጎስ ወልደርፍኤል ለአጣዕመየ ኮበሪት፡ ሻም ገብሬመስቀል እት ሸግዲት ሓበረየ ወትልህዩ እብ ሚርሐት ሰምበል 1-0 ዕርፍ ፈግረት።

ሐቆ ዕርፍ ትልህዩ ምስል አስመረ ቢረ ወጅህ ቀየረት። ኩረት እት ራቅሶ ህዩ እግል ሰምበል ሐረከት ከልኦም። ሐቆ ክም ደጋጋም ጀርቤታት ህዩ፡ አስመረ ቢራ ሰልጠዮም። ትልህዩ እግል ትትመም ደቃይቅ ሐድ ክም ተርፈዩ፡ እብ በደለ ለአተ ፍናን ተሰፋይ፡ እግል አስመረ ቢረ አክል-ሕድ ለወደ ጎል ኣተ።



አልተሐረር እት ፈረሕ ዐውቴሁ

ትልህዩ 1-1!

እሊ ጎል እሊ እግል አስመረ ቢረ ሰኒ ምህም ዐለ፡ ሰበት ንቅጠት እንዴ ከሰረው ወፈግረው ዐለው፡ ምናተ እት ወቅት መናሰብ ቅሩብ ፊስከት ቲማም ትልህዩ ለአተወ ጎል ሰምበል ወአስመረ ቢረ 1-1፡ ትልህዩ ተመት።

እምበል እሊመ እት ሐልፈ ሰነብት አልተሐረር ምስል ሰምበል እት ወደየ ትልህዩ፡ 1-0 እንዴ ተዐወተ ዲብ ሓለት ሰኔት ቃብል ሀለ። አልተሐረር ክልኤ ንቅጠት ወሰምበል አርበዕ ንቅጠት እንዴ አከእለለው ቱ እትሊ ትልህዩ ለትዋጅሀው፡ ሰበት እሊ እብ ክልኢቱ ፍረቅ ትልህዩ ሰኔት ትረኡት።

እለ ትልህዩ አሰክ 90 ደቂቀት ጎል ልቡሉ ኢትሰጀለ ዲቡ ምናተ እንዴ ትቀየረ ለአተ መተልህያይ አልተሐረር ሚሮን ቡቕባይ እት አክር ደቂቀት (90') ጎል ሰበት ኣተ፡ አልተሐረር ሰለሰ ንቅጠት ለትኣከሰቡ ትልህያሁ 1-0 ኣትመመየ፡ ወእብሊ ሸበህ ትንፋሰ እንዴ ረክበ ምስለ ሰልፋይ መጃሚዕ ንቃጡ ውቁል ልትረከብ።

ሐቆ እለ ትልህዩ ለድቁብ ፍረቅ አቅሊም ምግብ ደንደን ወበሐር ቀየሕ ትዋጅሀው። ፈሪቅ በሐር ቀየሕ ምን ጽባብሐ እት 28 ደቂቀት እብ ዮናታን ነጸረኣብ ወዲብ 39 ደቂቀትመ እብ ስምኦን ሀብቱ ክልኣት ጎል እንዴ ሰጀለ፡ እግል ዕርፍ 2-0 ፈግረ።

ሐቆ ዕርፍ ደንደን ተረቶም እግል ልትፈደው ሕንጉል ምንመ ቤለው፡ እት ካልኣይ ሾት ናይለ ትልህዩ ለትሰጀለ ጎል ሰበት ኢዐለ፡ እለ ትልህዩ እላመ እብ ዐውቴ ፈሪቅ በሐር-ቀየሕ 2-0 ተመት።

አሰክ እለ ክልክልኤ ትልህዩ ለተልህ ፍረቅ ሻምፕዮን ሱፐር-ዲሺዝዮን “ኤ” አቅሊም ምግብ እትሊ ጅግራታቱ፡ ፈሪቅ ሰገን እብ ሰስ ንቅጠት ወሐምስ ዝያደት ጎል አወላይ፡ በሐር ቀየሕ እብ ሰስ ንቅጠት ወአርበዕ ጎል ካልኣይ፡ ፈሪቅ ሸርከት ሰምበል እብ አርበዕ ንቅጠት ሳልሳይ፡ ክምስልሁመ ፍረቅ ደንደን፡ አስመረ ቢራ፡ ወአልተሐረር ክል ምኖም ክልክልኤ ንቅጠት እንዴ ረክበው፡ ፓራዲዞ ወአዱሊስ ህዩ ሐትሐቱ ንቅጠት ህለየ እሉም።

ፊጅር ከሚሰ ህዩ፡ ጅግራታት ኮበሪት እግር ሱፐር ዲሺዝዮን አቅሊም ምግብ ፍንጌ ፍረቅ ዝዛባንደ ወፓራዲዞ፡ ክምስልሁመ ፍረቅ አዱሊስ ወ ሰምበል፡ እት ስታድዩም አስመረ ምን ሳዐት 12፡ 00 አደሐ ወሐር እግል ልተላሌ ለአምሴ ቱ።

ፕሪሞርሊግ እት 12^{ይት} ሳምንቱ



ዋትፎርድ ወማንቼስተር ዩናይትድ

ለድቁብ ፍረቅ ፕሪሞርሊግ ደውለት እንግሊዝ እት ሐልፈ ሰነብት ትሉሉይ ዐለ። እትሊ ትልህያታት እሊ ኩሉ ፍረቅ እግል ፍሌንየት ዐውቴሁ እት ጅግራታት ትሩድ አስመኑ።

ገሌሁ ፍረቅ ገጹ ለዐል ለዐርግ ወልትሰርገል ዲብ ልትረኡ ገሌሁ ህዩ፡ ገጹ ተሐት እት ለአቀብል ወንቃዋ እት ከሰር ትረኣ። እት ኩሉም 20 ፈሪቅ ለወደወ ትልህያታት ለትረከበት ፍገሪት ዶል እንረኡ፡ ቼልሲ እግል ሌሲስተርሲቲ 3-0፡ አሰቶንቪሊ እግል



ሊቨርፑል እት አርሰናል ልትዐወት

ብራይቶን 2-0፡ ዋትፎርድ እግል ማንቼስተር ዩናይትድ 4-1፡ ዎልቭስ እግል ዌስትሃም 1-0፡ ኖርዊች-ሲቲ እግል ሳውዝምፕቶን 2-1፡ ሊቨርፑል እግል አርሰናል 4-0፡ ማንቼስተር-ሲቲ እግል ኤቨርቶን 3-0፡ ወቶተንሃም እግል ሊድስ-ዩናይትድ 2-1 ቀልበው።

እምበልሁመ ኒውካስል ወብሬንትፎርድ 3-3፡ ወበርንሊይ እግል ክሪስታል ፓላስ 3-3 እንዴ ትፈናተው፡ ንቃዋ ኩፋላም ህለው።

ሰብረት ንቃዋ ናይለ 10 ውቁላም ፍረቅ ህዩ እለ ተሌ ተ፡	
ቼልሲ	= 29 ንቅጠት
ማንሲቲ	= 26 ንቅጠት
ሊቨርፑል	= 25 ንቅጠት
ዌስትሃም	= 23 ንቅጠት
አርሰናል	= 20 ንቅጠት
ዎልቭስ	= 19 ንቅጠት
ቶተንሃም	= 19 ንቅጠት
ማንቼስተር	= 17 ንቅጠት
ብራይቶን	= 17 ንቅጠት
ክሪስታል ፓላስ	= 16 ንቅጠት



ቼልሲ ወሌሲስተርሲቲ



ፊፎዐቅ

ዎሮ ነፈር ምን ጂክ በህለት ዲርሆ ተብዐት ሰኔ ፈርህ ዐለ። እሊ ጂክ ረአዩ ምን ገብኦ፤ እብ መውጫታት ምድር በልሰ ወእት ሓላት ገብኦ ነብረ። እብላ ሓለቱ ለተዐበው ዐዳ ህዬ፤ ላብድ ሐኪም እግል ኒጊሰ እቡ ብኅ እንዴ ቤለው፤ አምዕል ሐቱ አሰክ ዕያደት ነሰአው።

ለነፈር ዲበ ዕያደት እንዴ ጌሰ ቅብላተ ሐኪም ትገሰ። ህቱ ምሰለ ሐኪም ግሱይ ዲብ እንቱ እት ቅርፈት ጂክ እግል ኢለህሌ ፈርህ ሰበት ዐለ። ድማን ወድገለብ ዲብ ልትዋለብ ክምሰል ረአዩ ለሐኪም እግል ልምኩሩ አሰተብደ።

ሐኪም፡ “ ሚ ገብኦክ ወጂክ ሚ ወዴክ?”

ሕሙም፡ “ጂክ አዳም ሰበት በሌዕ ሰኔ እፈርህ”

ሐኪም፡ “ጂክ ሰፊረት ቱ አዳም ኢበልዕ”

ሕሙም፡ “ ከሚ በሌዕ?”

ሐኪም፡ “ ጂክ ቅርጡዋ በሌዕ”

ሕሙም፡ “ ከእላተ ተአፈረህኒ ለህሌት፤ ቅርጡጠት እንዴ አምሰሌኒ እግል ኢልብለሀኒ ፈርህኩ።

ሐኪም፡ “ ላለኦ፤ እንተ ቅርጡጠት ይእንተ፤ እንተ አዳም እንተ ወጂክ እክ ለበሌዕ እበ ቅድረት አለቡ”

ሕሙም፡ “ከእኔ እበ አማን ጂክ ኢበለሀኒ”

ሐኪም፡ “ አይወ ኢበለሀኒ፤ በሰ እኔ ቤትክ ጊሰ ወሐከክ ምንገብኦ እንዴ ሐረድካህ ኖሰክ ብልዕ”

ሐቆ እሊ ለሕሙም እበ ሐኪም ለሀበዩተ ምክር እንዴ አግነዐ አሰክ ቤቱ ጌሰ። አምዕል ሐቱ ዲብ ሽዋሬዕል ድጌህ ዲብ ልዳወር አመት አለበ ምንቀደም እበ ሻሬዕ ዎሮ ጂክ ትከበተዩ። እሊ ሰድ እሊ ለሕሙም ነፈር መውጫ ዲብ ወዴ እብ ሰዕይ ገጹ ሐር ተረግ ቤለ ወዲብ ቤቱ አተ።


እሊ ለረአው ዓይሉቱ ህዩ ወልነ ሐዩ እንዴ ልብሎ ዐለው፤ አዜመ ትደገስ ሰበት ቤለው፤ ዲበ ሐኪም ጌሰው እቡ።

ሐኪም፡ “ ሚቱ መሽ እንተ ቅርጡጠት ይእንተ እቤለክ? እግል ሚ ምን ጂክ ትፈርህ?”

ሕሙም፡ “ ከእነ ቅርጡጠት ክምሰል ይአነ እግለ ጂክ እሰኡሉ ሰበት ይዐልካቱ ለፈርህኩ”

ሐኪም፡ “ ደሐንቱ አዜ ቤትክ አቅብል ወእግለ ጂክመ እሊ እናሰ ቅርጡጠት ኢኮን እንዴ እቤ እግል አሰኡሉቱ” ቤለዩ ልትበህል።

እብ ሰበት አንጸበት ወጡዋ ሚ ተአምሮ?



ትግራይት እት ከሊማት ሰኔ ፋይሐት ወርዝቅት ተ። እግል ከሊመት ኖሰ ዶል እንፈሰረ። ብዙሕ መዓኒ እግል ንርኩብ ምን እንቀድር። እግል መሰል ከሊመት፤ ቃል፤ ዘዐት ወለመሰሉ ሐቱ ዘዐት እብ ብዙሕ ዝያታት እግል ንስመዩ እንቀድር።

እት አግደ አርእስ ክቱብን ዶል ንትዐዴ ዮም እትሊ ለህለ ጂል ሐዲሰ ገሌ ከሊማት ትግራይት ጋን መሰል እቱ። እግል መሰል ጡዋ ለትብል ክልመት ዶል እንረኤ እብ እንግሊዚ tendosns ትትበህል፤ ጡዋ ህዩ አሰዑድ ምሰል ዓጭሞታት ለለጸብዋ አግዳድ ለመሰል አሰራር ቱ።

ለካልኣይት ከሊመት ህዩ አንጸበት አው አንጨበት ተ። እሊ ከሊመት እሊ እብ እንግሊዚ ligaments ትትበህል። አንጭብ አው አንጽብ ዐጭም ምሰል ዐጭም ለለጸብዋ ሓባል ቱ።

“በ ህ ኔ”

- “ባንክት በህለት ሰላዲ ክምሰል ተአትሐከክ እሰባት ክምሰል ሀብኩ ሰልፈት ለትህይወክ መአሰሰት ተ።” ቦብ ሆፕ
- “እናሰ እግል እሰቱ ባብ መኪነቱ እንዴ ከሰተ ለኣትዩ ወለኣፈግረ ዲብ ህሊ፤ አው ለእሰት መርዓት አው ህዩ ለመኪነት አዜ ለትዛቦዩ ሐዳሰ ተ።” ፕረስ ፍሊፕ
- “ታጅር በህለት ተርጀመት ብዕደት አለቡ፤ ከሚተ ተርጀመቱ እምቤ ምንገብኦ፤ ሰላዲ ብዝሕት ለቡ ሓባል ቱ።” W.C ፊልድስ
- “መዐዩን ምን ውርስ ለመጽእ ቱ። እሊ ህዬ፤ ምን ውላድኅ እንወርሱ” ሳም ሌሽንሶን
- “አዳም ሰላዲ ሕድት እንዴ ደፍዐ ክታብ ልትዛቡ፤ ላኪን ክታብ እግል ልክተብ ወቅት ብዙሕ ወጸገም ትፋድ ለኣትሐዝዩ።” ፍሬድ አሰን

እግኬ አምርነ

ወሬሕ እት ወክድ አምዕል እብ ምግባይ ተቅዩም አሰክ 224 ዲግሪ ፈረንሃይት ለትብጽሕ ክብድት ሐፋነት፤ እት ወክድ ላሊ ህዩ እብ ምግባይ ተቅዩም ኢፋሎታይ 243 ዲግሪ ፈረንሃይት ለትብጽሕ ክብድት ብራደት ቡ።

- አሰክ ፕላኔት ፕሉቶ እብ ጥያረት ምን እንሳፍር፤ 800 ሰኖታት ወነሰኦ ምኒ።

- ሐቱ አምዕል ናይ ፕላኔት ኔፕቱን 16 ሰዖታት ሌጣ ተ።

- እዘን ወኣንፍ ኣደሚ አሰክ ወክድ ሞቱ ዕቢኒ ኢለኣትካርም። ምን ዐቦት እት ክሉ ገርቡ ለበጥር ዲቡ ወክድመ፤ እዘን ወኣንፍ ወሰኑ ሌጠ።

- እብ አሳሰ ድራሳት እድንያይ ጂኦግራፊ ንህብ 29,526 ፊት (እስኦን) ምንለዐል ጠፋሐት በሐር እግል ትዕሰሰ ትቀድር። እሊ መትወቃል እሊ ናይ ዐለምን ለትወቀለ ደብር ኤሽረሰት ተ።


እድንያይ ጂኦግራፊ እት ቃባት ባዝል ስዊዘርላንድ ነኣይሽ ሐረውያታት እት ሐጸ ለትከዐ ቱፋሕ እንዴ ሀረሰው እት ዲብ በኩቶም ለህለ መሓዝ እንዴ ነሰአው እንዴ ሐጽበው ክም በልዕው ሸርሐ። ወለ እግለ ሰኩርያት ነበሪት ክምላ ህለዩ በልዕም እት ህለው፤ ዲርሆ ማይተትመ አሰክለ መሓዝ እንዴ ነሰአው ከእንዴ ሐጽበው እት በልዕው ትረአው።

ዎሮ ምኤምራይ ዕልም ሐዋን እግል እሊ ተዩልል ናይለ ሐረውያታት፤ “ናይ ራሓት መዋዲት” እት ልብል ወሰፈዩ።

በሊሰ ተክተት 9-2021 (መሐመድ እድሪስ)

ገ	መ	ል		ር	ም	ዴ	ት
ር		ጃ	ም	ዕ		ደ	
ሀ	ረ	ም		ብ		ባ	ብ
ት			ሀ		ዕ	ን	
	ሀ	ሩ	ር		ን		ጭ
						ሉ	
ል	ብ		መ		ከ		ቀ
ባ	ይ	ት		ቤ		ለ	መ
ብ		ም	ግ		ት		ት

ዝያድ 5 ፍንቲት ሰወር ርክብ



ሳድስ ወራር እብ ካርቱን ዕልብ 7

እኡም 50 እልፍ ለገበት ፍፋ ከድብር ዴኻ ንቅብያ ፍንጌ ፍንጊት ወ ፍዕል ለህገ ፈርግ እግል ለገምር እት ሰቦት ፖንጃን ለነክሻው ተደብብ ዐሳክሪ እት ስብህ ሕገር ሕገሪ ጌርትርያ፤ ሐርብ ክምሰስ ለትገመጽ ገብኦ ህ

